

吉安府志卷三十六

人物志

篤行者壽附 義行

篤行

宋蕭澤

彭本正

蕭明允

侯唐卿

劉叔丙

元劉士表

朱淵

金瑜

唐鼎

楊伯允

王如川

明劉伯川

李伯尙

余斯延

夏夢夔

周之冠

賀廷宰賀

家橫蕭如新尹舜鐸

李挺

王元統

劉奇資

嚴述

羅丕績

劉獨秀

彭根

劉教

羅輅

羅卿



劉子和

陳嘉章

周祖亮

張邦俊

吳成



劉近環 王大任 蕭 璲 王良弼子士高 王學旦

賀士龍 彭一鳴 劉尙箕 劉 玠 李 周

史榮忠 劉鳴羽 劉之伯 魏 臣 文濟亨

羅尙觀 王 瑛 袁彥正

國朝何文祥 龍三汲 管翔麟 賀德焯 康綏猷

周志孔 李佳猷 陳應台 解 悅 彭子達

匡運昌 龍雨黎 劉文源 歐陽豹 附名十二

王尙錫 歐陽天明 劉梧嗜 張維垣元鑑元銳 陳大章

劉榮登 朱蘊臣 匡大有匡宏聲 蕭策上 劉龍錫

彭大振 王岐瑞 劉 遜適遜進道 賀 瓊賀長 梁志凝

袁冠德 謝再揚彭學 羅維南 王光晉 黃作渠

彭 濱弟淇 尹承敦金壽 歐陽彥 龍殿鼎 蕭應白

劉希甫 劉 崇 歐陽宣 謝學遷 劉世瑞

彭 翰郭如圭 王萬禩 謝寶醅 歐陽章 閔世勤

彭如城 張 檀 黃靜觀 張映宿 劉 振鍾瓚

張玉軫 陳輝琳 張杞信黃益相 劉聰泉 劉學英弟學芬

徐鵬展 李中孚 段 霖 蕭 德 郭 斌

趙明誠 劉燦輝 歐陽燦兄杰 李文彬大本 彭 縉

歐陽庸 楊文燮 周 釧 周 正 王及甲王之植

吳勳奏程履安 宋聲偉 吳之藩 王廷棟王植三

義行盧志原分義行善行二目今核其事迹不甚相殊故併爲一

宋王 翊 王 玟子學歐 陽斗南 陳大有 劉 昌慶善郭志道

蕭必達 梁 皦子衡 胡洪範 劉朝諭 謝彥昇

謝士琳 謝士賢 謝東魯 温 紱 吳叔啟

蕭保孫 劉日新 胡天牖 陳龍藻 蕭君玉

樊資深 曾 裕 李彥清 周務實 馮魯山

鄭開先先弟 羅士友 謝宗和 劉如翁嚴用 蕭繼文

元鍾敏叔 項振宗子時 劉隆瑞 劉如翁嚴用 蕭繼文

李以忠 劉愛山 王仕敬 周 監子晉 郭楚金

張均佐 劉 西 陳宗遠 高景瑞 劉 倫弟居

蕭天祐 蕭 景 程世坤世澄 朱思忠 蕭宏量梁瑞

蕭聖觀 周 樂 周 輝 鄒思貞 彭祖興曾孫

蕭華孫 劉明道 蕭 廉 歐以忠 李倉崖

胡榮祖 劉 昭 曠作成作楫 簡舜測 黎繼武

龍光庭 彭寶林 錢 鍊 陳 顏 鐵柱雲

周 莊 王克清 歐景哲 徐平遠 黃 敬

劉庭老 鄒 澹 劉源深 彭 懷劉社

明羅士立 蕭 應 羅仲淵 陳漢隆 藍世瑞

彭 翔 匡思堯 馮勝恭子南 程孟簡 戴 審

李介圭 羅修齡 杜 環 蕭 衡 彭 嵩項乘

劉玉明 劉以亨 吳 宏 羅 城 李 坦

陳文珍 江 珙 郭叔興 龍崇志 龍 光

劉 仰 趙 銳 蕭 經 歐陽况 徐 瑞子祐

李尚惠 蕭日表 周子郁 曾于乾 李宗高

王師仁 郭元鴻 劉繪 陳良騰 劉夢材

龍沛宇 龍珩 黃得官 歐務本 劉首昂

戴紱 王之茂 朱祚昌 劉光樞 周樂

胡士良 謝昌晉 歐吉玉 黃仁壽 劉如淵

尹純 范天柱 歐孚先 甘道心 鄒炫

周伯益 謝子寬 曾時望 匡崇敬 張宗器

徐先得 楊子旭 劉統 王九鼎 甘峻極

彭遵謀 劉南周 尹紹興 朱信 賀大行

周仁俊 曾希恭 曾友謙 方宗周 陳子良

張伯隆 尹碩膚 劉述倫 曾子韶 謝允謙

胡思 彭淵潛 樂象明 陳公俊 李貞觀

劉康 朱祖貴 李曰昌 楊曠平 李本彝

項榮 彭冠 羅忠 劉克鏞 李宣旦

李志沂 馮貴隆 王時誠 李黻 周望

陳良 賀昂友 蕭時舉 楊崇儀 羅賜五

周憲 張萬鼎 秦明學 袁汝昂 歐尙忠

王守禮 劉翼 鄒慎 曠溥 蕭迪

蕭孟魁 劉騰良 尹楷 彭南麟 劉鍾

李尙朴 張元曉 蕭誠 羅照 陳忠

謝頤 陳經貫 陳忠厚 尹常通 尹瓊

方宏持 彭悱 劉介禧 温秉悅 何廷貴

龍振麟 帥朝達 胡周誠 郭敏道 馮顯寧

吉安府志

人物志

吉安府志

卷三十六

人物志

四

羅宗鑑 何珺 羅英 蕭相 徐近璽

曾自任自儀 聶齊二 張宗舜歐陽雍等 羅介宗劉廉等 羅啟憲

劉岳劉兆 何鏗 張祖煜叔友亮等 叟世絜 王廣倫陳孔卓

孫松樓 徐卿 劉三傑 劉至周 蕭隆樞

曾裕 聶坎一 劉汝宿 盧應台 吳迪逸思撫

帥相光 鄒琳作劍 戴希剛 劉民望 陽兆叔

王應天 劉懋綵 劉週 朱奇鳳 羅如邦

劉良賓 劉文渤 陽宗偉 王偉生學所 彭德教

張汝珍 劉希昱 衷日炳 郭來復 陳坦

饒成彥蕭煥 胡有初王文子 蕭襄曾存 劉祖貴曾子 徐孜敏徐士

楊子佩楊之 徐叔昊羅爾 蕭行廣嚴冠 嚴 琬陳志 尹坤寧袁仲

江汝貞蔡清 張敬王孔

國朝 周世邦 曾禕 劉必達 曾振坤姚仕 郭有連

匡光珠 賀鰲 蕭宜春尹金 蕭鼎裕 朱昌蕃

劉梅海 徐泰來 劉德重 歐陽嶠 林珍

劉竟 羅昌相 蕭元環 劉廷禔子映 郭幹弼

馮貞祐郭商 曾衍賁 劉達三 馮懋達郭隆 羅振惠

鄒世德朱紹賢 周希量 蕭伯升 劉存煥 劉昌道

蕭無能 陳子奇 蕭美子琳 劉大縉 張文渭

譚愈享 顏錫圭 胡修彞 郭標韶 王正芳子尚

康崇彥 鍾士英鄒邦 彭大瑗子斯 朱季廸 匡亘

劉學宣 陳紹魯 劉天相 湯師呂 彭君甫洪

劉嘉績 王日暄 劉順先 彭剛弟劉 王朝宣

彭元僖 劉經裕 閔萬嵩蕭生 衷崇隆 張士燿

龍吉昂 劉中鉉 劉一輪 顏錫孫 蕭維瑚

劉昌 康克昌 曾定陞 陳大勳 張名揚子郁章

戴承霖 劉存進 張義賡 劉懷錦 張德恭

易聞子秀鍾 曾觀 王星衡 曾光錦蕭石宋 蕭羅忠

李國嘉 吳士琦 賀育瑚 彭銘新 彭立僖

彭東林 康集龍 張殿珍 李用才梁欽 顏雲龍

蕭思鳳瑞麟雲龍 朱光輝慶龍 劉篁音 賀廷安 曾燕弼

劉祖榮 蕭貞啟龍嘉俸等 劉與寬 蔣立紀 馬家祉

彭璣 甘克義 劉飛鵬 劉弼 王玳穀

周嗣旦 王仍業弟果泉 黃元善 劉世煊 劉光軸

戴內賁 蕭維兼 譚倬 燕文佐 劉先懋

劉光伴 蕭希爵 劉國輔 劉應龍 羅廷桂

康珠 劉士英 胡守信 羅朝幹 康應麟

王廷梅 劉上宋 趙燕 尹明治 胡昌贊

李躍如 劉望芹劉克學等 胡乾 陳大文 謝廷陞

曾轍 王廷柱 賴正心 王錫 梁莊

李允誠 嚴性一 王文洽 郭奇 郭夢樞

賀巧呆 尹光鼎 劉德勳 蔣俊仕 李靖安

蔣定謙 劉廣居 胡鼎 胡株 蕭崇德

彭錫降 溫周廷 蕭秀三 蕭持升 劉昭諒

蕭廷榜

謝月澣

曾泰燕

王維綸

彭歐卜

子亮亭

周嗣惠

戴銓

尹廷熊

羅貴

蕭鳴

鍾尙文

彭如鈴

彭暉斗

王登俊

李鐸

謝昌言

彭芳忠

李含章

汪映霞

顏雲紳

賀坤耦

附名

孫明

子滂

劉景雲

康旋吉

弟迪吉

高尚志

子謙吉

宋方沛

彭大協

弟大昕

邱日韶

劉為悅

周茂五

匡克繩

蕭魁斌

孫炳章

歐陽國寶

孫寶

張履信

杜邁倫

子志禹

謝應暉

劉紹書

黃釗

周陽紹

彭德音

王之楫

郁為錦

附名

六十九

耆壽附

篤行

宋

蕭澤字說之泰和人瓚五世孫嘗魁國學直講范鎮奇其

才處以經學職事有王侍郎贊者以邑子用事欲薦以

官澤曰是欲以脂澤汚我即拂衣歸

彭本正廬陵人家貧力學郡辟為掾與守日相唱酬

蕭明允字應新廬陵人初名堅力學工文嘗題其讀書處

曰介林氣岸孤聳與人棘棘不阿善丞相文天祥時一

往造沛然若有得其所負翹如也

侯唐卿廬陵人祖世昭與周必大楊萬里以詩倡和父從

周亦能詩有儵菴集唐卿幼孤孝養寡母為人魁岸有

才畧工書踪跡所至貴人欲收署末職唐卿不屑就宋

亡絕意不仕

以上盧志

劉叔丙安福人咸淳間一試有司弗遇遂耕讀存山嘗以身扞鄉隣之難生平氣岸磊落學有原委急義薄利有古傑士風鄧光薦為誌其墓盧志原列義行今移列

元

劉士表字叔正永豐人博學能文居家孝友嘗以詩法訓其孫鶚鶚果以詩名至治元年士表年百歲詔旌其間

朱淵字子學吉水人精於詞賦應賢良詔以親老辭

金瑜永豐人性剛介不干有司

唐鼎吉水人文章行誼為時推重

楊伯允吉水人博學有隱德與揭侯斯范德機友善以上盧志

王如川廬陵人氣概磊砢當事爭羅致之不就會禾川被

圍鄉氓之流竄轉徙者皆來依焉如川視其高下館而

周給之盧志原列義行今移列

明

劉伯川泰和人家富輕財年四十以田數千畝散予其親

遣去臧獲獨與妻處敝廬僅蔽風雨旦暮餽粥而已平

居不與俗人接然善觀人同縣楊士奇年十四五時與

陳孟潔謁伯川留款特厚一日雪霽酒酣伯川命名賦

詩言志賦畢笑曰孟潔不失一風流進士士奇鼎鼐器

也後孟潔果登進士士奇官至少師

李伯尚永新人介特有守通古文辭詩歌登進士乞還鄉

侍養所著有清溪文集盧志案伯尚登永樂四年進士盧志誤入元代今移置又伯

尚盧志訛作  
伯高今改正

余斯延泰和人自少力學從元進士劉雲章授書洪武初  
徵至京師以老病告歸長子學夔永樂二年進士所居  
名果確齋梁潛爲記

夏夔夔字雲屏安福人從學鄒守益讀書南嶽三年安福  
清丈田畝左右守益剔弊除害嘗爲母市材於楚時權  
關荊州者與夔夔夔契不往謁權使揖之河干欲有所屬  
夔正色曰某來爲母須材非有所求也有巨商以誣越  
關沒貨萬計商持千金來請夔却之及歸權使者餞之  
舟中因語越關得罪者實出於誣語畢解纜去商得釋  
復賫數百金追謝夔堅弗受事親孝居喪寢苦廬墓

周之冠字元夫永新人諸生髫年隨父任固安令父卒扶  
櫬南還動必中禮行務實踐鄒元標器之曰元夫非近  
時人生平救荒化暴撫孤還金多長者行長令延至諮  
詢利弊一言卽退時楚寇入境大肆焚掠過其廬相戒  
無敢犯者著有訓世要言知非錄家規數十則藏於家  
同縣賀廷宰賀家楨蕭如所尹舜鐸皆篤行誼勤施予  
力學不仕著書自高

劉籌字昭密永豐人以德壽膺冠服父泰有隱德籌幼穎  
異授尚書於伯兄鑿例授都司掾當路者以儒吏重之  
盜起江南都司兵務倥偬悉以委籌勤勞不復自恤以  
持法不利於監軍使廼力求去都司屈留越歲寇平而

歸籌孝弟仁愛恂然有古風以十善著聞喜拯濟人鄉里待以舉火者數十家佃夫歲有歉多所蠲除鄰人盜籌稼禾畝獲之以聞於官籌具豕醴謝曰此吾老鄰迫於餒耳願姑恕之以俟改嘗客遊雲夢有夙負者告曰非公活我何以至此願以子償籌焚其積券全之會家以毒疫傳染兄若嫂病篤母陳氏方在堂亟歸定省周旋二病之間竟賴以安晚年寄情詩酒雅歌古調自成一家季子煥文補縣學生讀陽明集得聞良知之學時鄒守益羅洪先倡道東南往受業焉

胡光宸字熙寰萬安人篤志力學不耽章句每閱太極皇極經世諸篇謂子弟曰此讀書之義根也年幾百歲卒

王應序安福人與兄應庠孳生及長固爲諸生執贄劉元卿門講學不輟卒以經名世舉鄉飲賓祀鄉賢

李挺安福人諸生與劉陽倡學南里縣令閱世翔高其行凡興除多所取裁有富民爲仇家所中令密問挺答曰果渠惡挺獨不聞乎又有投匿名書於縣而署名其尾者挺笑曰既匿名又自署乎令服其敏達大宰歐陽疾革念挺貧授以金不納投以田亦不納歐陽曰非以云贈實托吾孤挺曰撫孤惟命家故貧或日不再食歲不易衣同里李道卿多隱行其高弟也

王元統安福人八歲而孤力學弗售遂棄舉業種樹課農桑自給有堂兄利其有不與較庭訓肅睦見重鄉里子

貴不以驕人獨創祖祠建義倉當路重其品請祀鄉賢  
著有日恭子

劉奇資安福人事父母孝耄年喜聞講學朋舊過門輒相  
與講論忘倦王懋中事之甚謹嘗假馬鞍王卽以撫澣  
時所御者遺之堅卻不受

嚴述字在緒萬安人幼聰慧年十三爲弟子員旋棄舉子  
業潛心正學里人爲立敬德書院正統間年八十蕭侍  
郎乾元聞於朝兩賓鄉飲

羅丕績字樸野吉水人操履剛方通尙書景泰間薦舉以  
親老辭嘗建曠視齋教授于弟

劉獨秀字孤松安福人淹貫羣書不求聞達嘗受業王守  
仁數稱其存過之功迨至晚年建迎仙觀於里優游其  
中卒年八十九門人王一夔銘其墓

彭根字古清安福人族有欲奪其產者不與校嘗客遊南  
華寺閣夜多見怪人莫敢登根攜客宿之怪果侮客至  
移榻閣下根三宿自如又有盜夜入其室爲家人所獲  
根慰遣之盜遂改行姍黨有爭競者舉古人忍讓事諭  
之無不感動

劉教周忠謝中孚吉水人皆羅洪先弟子洪先稱中孚能  
和眾忠愿介皆早卒教端潔有守嘗受知憲使勸給兵  
餉遺金力謝不受

羅輅字木夫吉水人與人處夷猶無疾言心常熙熙若不

涉世務家四壁立嗚嗚長吟自若雅遊山澤遇磐石輒  
偃仰移日羅洪先莊事之間與語周程之學則俯首默  
思樂而忘倦及卒洪先銘其墓

羅卿字士達吉水人參政僑長子性純篤有蔡方伯與其  
父為同門友欲有以濟之卿曰安貧者士之分某不敢  
有分外之覬其介如此

劉子和安福人同兄文敏邦采師事王守仁俱厲志有聞  
陳嘉章字東璧永豐人萬曆鄉舉性清介不干謁當事惟  
地方利弊百姓疾苦輒侃侃言之及卒惟遺圖書一篋  
周和亮字四通永新諸生篤學謹行性剛方崇禎十六年  
忤張寇身被數刀縣令黃受封資以藥餌老益發憤讀

書年九十終子振元領戊午鄉舉

以上  
盧志

張邦俊字瀧崖永豐人性恬靜博學能文與羅文毅相友  
善創金牛洞書院及會秀堂聚四方名士講學捐田以  
供膏火事聞旌一國善士文毅為作瀧崖記年八十卒  
吳成字九成永豐人少有遠志為諸生試高等當食餼為  
舞文吏所抑成知而不校友人部曹周某欲以宅居成  
成不可已故廬災乃葺茅屋數椽以講學羅文恭題其  
像所著有平園雜詠子來鳳鄉舉均祀鄉賢

以上採  
縣志補

劉近環廬陵人府學生善誘來學生平敦孝弟與人接恂  
恂如處子然臨事慷慨有國士風

王大任安福人萬曆鄉舉以行誼自砥嘗走建昌師羅汝

芳晚尤委心鄒德溥朝夕深究務窮疑義嘗言本體貴  
虛功夫貴實故其踐履稱篤實云

蕭璲字貴佩永寧人祖韶安化縣訓導父宣樂會縣訓導  
宣卒璲事母以孝聞年七十由貢授霍山縣訓導矜式  
多士卒祀鄉賢

王良弼字鳳池安福人爲人純粹有學行嘗云赤子誠而  
已著居誠錄二卷自號誠齋子士高字靜虛世其學稍  
長誦孝經卽身體力行同族有兄弟爭構者士高與語  
孝弟舉古人事明證之遂愧悔不成訟居父喪泣血讀  
禮鄉人化之修舉其父義倉濟鄉族貧乏歲饑傾囊倡  
賑集先賢格言四卷理學法門二卷父子俱祀鄉賢

王學旦字景明永新人家貧力學妻陳氏織紉佐讀課子  
親臣膺歲貢公直端方縣令閔旌以彥方遺風舉爲社  
師堅辭不出

賀士龍字舒雲永新人家有詩人堂龍能詩不墜家聲篤  
行孝友族黨服其行誼子祖滌舉於鄉

彭一鳴字半齋安福人九歲能文十二歲見申韓之學撫  
几嘆曰此亂聖者不可讀也讀韓文原道及周程諸書  
則喜人多奇之侍父母病兩載晨夕不懈生平不苟取  
有戚族贈以百金堅辭不受有半齋詩文集行世

劉尙箕安福人遊粵歸道遇海寇掠舟失人所寄金竭力  
以償堂弟失怙撫之成立時有挾重貲侮之者弗與較

侮者之孫以事呈幾及禍子應茂力持之乃得脫應茂  
順治八年舉於鄉

劉圻字賡柳安福人鄉舉兄弟八人圻居末諸兄先分析  
無餘產後量與之圻絕不計持身高潔非禮義毫不相  
干而縣中利弊輒侃侃直陳當道屢心折之

李周字世用永寧人諸生事親孝縣令張應徵嘗式其閭  
贍以官田十畝弗受諸醫術常備藥以應求者或酌其  
值笑而却之從遊多知名士

史榮忠字貫日永新人歲貢生少喪父家貧道拾遺金俟  
主者至還之及長善文辭母周氏苦節三十餘年榮忠  
歲以館穀充膳督學侯峒曾旌之曰還金留古人之風

閉戶高儒者之節

劉鳴羽安福人父卒雲南隻身負骸骨歸有族子孤貧衣  
食婚娶如己子外氏窮無所依生養殯葬皆身任之拾  
鄰人遺金叩門還之同里有穿窬夜入其室獲之諄諄  
勸誡給以穀帛其人自是改行

劉之伯字默齋萬安人秉性忠讜謙遜下人不以金帛自  
尚嘗舉王曾拜父執於屠沽之門以勗其子弟敦族睦  
黨單寒者周卹之遇荒設粥賑飢後祀鄉賢

魏臣安福人精易學講易者宗之巡撫孫燧檄領南贛教  
未赴而卒平居粹和可掬臨取予得失凜不可犯

文濟亨永新人行己有古人風

羅尙觀永豐人施教有方

王瑛永豐人公直耿介教訓有方

以上盧志

袁彥正泰和人奉公惟謹貢賦必先

盧志原列義行今移列

國朝

何文祥萬安人貌古少文與人不款曲鄉里有不平祥出

一二語正之喜修橋梁道路且身執其役一切左道求

募藉口福德者輒拒勿納順治九年賓鄉飲

龍三汲字禹門永新人天性孝友偕兄弟力學養志順治

八年領鄉舉為人伉直有氣節遇大利害以敢言著

管翔麟序麟文安福人孝友仁讓善文學多隱德幼遭父

喪不愆於禮兄翔鳳樂外遊麟獨秉家政四世合爨與

人坦白性樂解推康熙四十三年饑出穀六百餘石助

賑所著有五經註釋以子學宜貴贈中憲大夫祀鄉賢

賀德焜廬陵人有從子世培十歲能文明末被擄父痛念

甚切德焜訪至雲中營次力請營將乃攜以歸年七十

卒康熙癸亥以子世封貴贈文林郎祀鄉賢

康綏猷安福人長以不及事親為慟讀書淹貫經史晚尤

潛心性理康熙四十三年煮粥賑饑置義田義倉焚券

推解以子五瑞貴贈如子官祀鄉賢

周志孔字及聖永新人積學又文為人敦謹嚴訓課子弟

庭對非衣冠不敢進

李佳猷字嘉章吉水歲貢生幼失怙家貧事祖母與母孝

爲人不苟言笑年近三十乃克有室四壁蕭然礪廉隅以自潔縣有興作欣然任事有友人以非禮犯於衢怡然不校其人慙退官贛縣訓導

陳應台永豐諸生生平多善行嘗住邸寓有美婦夜就之峻拒不言次日移別宅年八十七終

解悅字學來吉水歲貢生孝子祖謨子幼規父行從子韜幼失怙恃教育成才仁文書院故爲鄒元標講學所屢興屢廢悅與同舍生經畫新之其他持公好義多類此

彭子達字行自安福副貢立義館以教族人捐租一百石魚塘一口以佐膏火著有詩古文詞

匡運昌字部公廬陵人父爲名諸生運昌亦附於學事親

孝篤愛同氣里中有田數百畝洪水壅塞而糧仍存運昌力陳當道得改輕稅

龍雨黎字田文永新人家貧力學澹然物外士人推之

劉文源字崑發永新諸生讀書力造精微重氣節不務標榜暮年猶率子弟以循謹之行以上盧志

歐陽豹廬陵人王錫珪蕭本豐俱泰和人王茂王暉劉日八俱安福人羅梁子倫劉之陽陳雲翔俱永豐人河清萬

安人李賢永新人謝寧祿永寧人皆有實行以上盧志附名注云

傳載縣志

王尙錫廬陵人歲貢生與閣學李紱相友善紱亟稱之課徒以致知力行爲教著易經講義慕堂制義

歐陽天明安福人弱冠補弟子員父館湖南天明往省居  
二載適歲試父速之返因泣曰父在此兒何忍別父感  
悟乃治裝還天明旋入國子監授刑部主事聞父病馳  
回遂侍養不復仕進

劉梧喈廬陵人家貧嗜學立身行己一宗先儒授徒勵以  
實學著四書摘要周易帖義

張維垣字紫伯永豐人歲貢生性孝友與長子副舉元鑑  
遊施閩章門次子元銳成進士父子兄弟日相砥礪以  
返躬篤行爲本人有以千金相託者時山寇剽掠維垣  
遣人走數百里還之著易經文稿元銳有經史性理博  
物典故纂要朱子語錄五經集註皆有評釋維垣元銳

先後祀鄉賢

陳大章字耆園永豐人歲貢生署鉛山長寧訓導性敦厚  
凡足裨世教拯疾苦者無不樂爲之精眼科旁通星卜  
六壬陰陽諸家說求者輒應年八十三卒

劉榮登吉水人歲貢生重名節好執公議分修縣志縣人  
重其方正著方輿記詳註續修文明書院志

朱龔臣萬安人諸生康熙間與修縣志生平篤踐履作家  
戒一編語質義精人多宗之居城市鍵戶課子孫俱以  
文學承家

匡大有廬陵人舉人性孝友父歿會滯公車每言及淚潛  
然下家居以訓迪爲事著學庸膚說解頤詩義寡過錄

筆耕錄壁光文選詩文雜著同族宏聲亦以學行著  
蕭策上廬陵人少與藍昂同學昂成進士因棄帖括肆力  
於古嘗作勵志詩云言須實踐方爲學文有虛聲不算  
才著性理微蘊伊園文稿

劉龍錫字御軒安福人鄉舉以母老奉養家居遂不復出  
著有四書講義御軒文稿

彭大振字恢吾安福人諸生事親孝父母有怒卽免冠跪  
請釋乃已性嗜學究心易禮教授里黨一以古學相勗  
王岐瑞字誠菴安福人副貢授國子監助教嘗肄業白鹿  
洞書院著有朱子白鹿洞講學錄同治間祀鄉賢  
劉遜字敏求泰和人以拔貢領鄉薦勤學力行與兄適迅

進迨並負盛名遊其門者多達人著有聯璧合稿

賀瓊字玉峰永新人鄉舉授內閣中書擢主事文章政事  
日與諸名流相砥錯京師向無絲會館瓊倡建南北兩  
館同宗長崙字濟高舉人以學行名

梁志凝字毅邨泰和人歲貢生爲文有奇氣隨父宦邸趨  
承得歡心兄弟怡怡以友教終里塾年八十

袁冠德字健三泰和人縣學生舉孝廉方正事父母敬養  
備至授徒里塾造就者多

謝再揚吉水人恩賜副榜食貧積學平生砥礪節行闔  
戶授徒人爭館致之同縣彭學釗諸生性剛介里人羅  
暹春器重之

羅維南字伯箕吉水人襟度軒豁博學能文閭里間有爲不善者懼維南知之學者稱環山先生

王光晉字晝堂廬陵人縣學生志行篤實讀書務根抵教人講習不倦嘗言觀古人事可息機心重遊泮水年八十九卒著鳴鶴集

黃作渠廬陵人歲貢食貧力學爲文矩矱先民樂育後進內行嚴肅評羅萬藻文稿梓行子學顏歲貢生孫贊禹贊湯別有傳

彭濱字穎亭廬陵人幼孤事母及大母孝弱冠與弟淇同補弟子員慨然以先世一菴芹生兩公理學風節爲念悍隸欲中以不測卒爲所化以貢官彭澤教諭淇字竹

溪由貢任星子訓導修學宮賑荒仇家以事許學生淇力白其誣生謝以金卻之爲白鹿書院山長教士遵朱子成法士爲立教思碑解組縣士歌詠成帙曰餘芳草尹承敦字厚川永新人鄉舉性敦樸攻苦積學同縣金璠字禮琮與承敦同舉於鄉剛介不阿任建昌教諭造就有方以母老告歸

歐陽彥字瑤岡泰和人鄉舉引年授太常博士卒年八十九刻苦力學爲文力追熊劉家居教授造就多知名士行端望重鄉里宗之

龍殿鼎字圭堂泰和人拔貢生任貴溪教諭表章節義課諸生文行交勗縣令延主貴溪書院講席數年士習丕

變澄江五老會推爲祭酒卒年八十二性和粹而家範肅穆爲里黨法

蕭應白字凡宿廬陵人由舉人授餘干教諭倡興賓興采芹會月課必親加筆削縣進士張夢拯從學十餘稔培植維篤陞袁州府教授論文必正衣冠終日無倦容著有書經輯旨等書截取知縣未赴年九十二卒

劉希甫字定泉安福人進士性方正家貧廉潔自持博覽經史人稱品學兼優

劉崇字樹亭安福人副舉性孝友人無間言刻苦自勵黃岡御史萬年茂推重之著有學庸輯說

歐陽宣字老圃安福人舉於鄉通堪輿術知府盧崧延相

郡城開魁聚門是科姚頤及第科目漸振著來圃文稿謝學遷字鶯喬安福人鄉舉性孝友父年七十患脚疾晝夜扶持不懈奉母色養備至弟得羸疾親爲撫摩又以次子承弟後品端學立楷模鄉里官終贛州府屬教諭劉世瑞永豐人乾隆間歲貢上高縣訓導性孝友以敦倫明道引導後進名下士多出其門知縣陳材表其間曰儒行可欽嘗遊江南何屺瞻唐東江亟稱之所著有周易會纂講易要旨墨耕堂遺稿旌善士學者稱文孝先生

彭韜字渾兮廬陵人父命援例謁選父沒檄下辭不赴又嘗還人遺金喜讀史極言劉先主辭景升付託之失宋

太宗燭影斧聲之誣人服其識子大經大綸有敦厚風  
同時恩貢郭如圭以志節自立重遊泮水卒年八十八  
王萬禕字季齡廬陵人性恂謹伯兄以骨鯁罹難傾產脫  
之藉館穀謀甘旨陶然自得金德嘉銘其墓比之管寧  
陳實云

謝寶醕字粹堂安福人鄉舉好學有介操著書經禹貢纂  
註白雪山房詩草

歐陽章字古齋安福人性孝友讀書不慕榮利兄新從子  
塋宦閩粵章未嘗一履官舍精岐黃習青烏貧者贈以  
藥著地理辨正註釋醫學活人等書次子基鄉舉亦以  
行義稱著磐石詩鈔

閔世勣字紹堂龍泉人附貢生需次京師於友朋多所欣  
助正陽門外有龍萬兩縣會館世勣捐貲重新之乾隆  
初授湖南衡州糧鹽通判上官善之

彭如城字峻峰廬陵人弟如筠兄弟均登鄉舉父烈武舉  
有操守如城事繼母如所生兄弟自爲師友曲盡友愛  
如城子慶鍾別有傳

張檀字香圃龍泉人任安徽貴溪李陽司性淡泊敦實行  
署宿州州同解餉甘肅卒於乾州

黃靜觀字舒堂龍泉人任廣西五山巡檢值嬰痘四發靜  
觀虔禱延醫治之縣大水築堤以禦爲平米價捕蝗民  
免災以卓異入薦牘

張映宿字斗南萬安人副貢任瑞昌教諭創修紫峰書院  
課士有方自是文風大振署東鄉教諭亦有聲

劉振字柱堂永豐人幼孤貧勤苦事母性耿介雖困乏不  
肯干人母目盲百計求醫得復明母登上壽振亦七十  
依依如孺子慕初艱於嗣年踰四十往贛置筮買一女  
詢知爲養媳也卽遣歸踰年生子繹廷試第一振卒年  
九十曾孫宗岱進士刑部主事咸豐間隨同襄辦團練  
惜不永年同縣鍾瓚字澹庵諸生事親孝養備至友愛  
兄弟初妻以艱於嗣爲置妾及至詢知爲樂安老貢生  
女瓚愕然送還其家後妻連舉二子維楨維楷相繼舉  
於鄉其存心制行前後畧同

張玉軫字志琴泰和人廩生力學攻文事父母祖母能養  
志所得館穀分卹諸子門下士成名者眾

陳輝琳字他山永豐人少孤貧勵志問學雖饘粥不給而  
吟誦自如以鄉舉大挑知縣改就湖口縣訓導循循誘  
掖諸生樂親其教

張杞信字菊坡龍泉人廩生家貧力學與徐湘潭相切劘  
著菊坡詩鈔同縣黃金相歲貢生亦敦品勵學著薪樵  
山房詩鈔

劉聰泉字相圃永新人清介自持慷慨好義鄉邑有善舉  
必襄成之晚以歲貢授宜春訓導卒年八十六

劉學英字杏溪永寧人歲貢生博學力行老猶手一編不

輟著人禽心譜嚴師編廬陵王贈芳永豐劉繹爲之序  
其弟學芬學華亦博雅士學芬拔貢生著四書權輿六  
卷朱子釋宮一卷禹貢圖鏡一卷學華廩生著我法集  
同時有恩貢生羅湘潛心經史著經左便讀六卷

徐鵬展字圖南永新人鄉舉爲人剛正不阿事母以孝聞  
彙報縣婦節孝倡建節孝祠

李中孚字風澤永新人增貢生建秀水書院及縣西聯珠  
書院胥著勞績爲人渾樸而處事不苟

段霖字澍泉永新人性穎敏博涉經史酷嗜春秋五傳生  
平授徒爲業行已端方事母以孝聞卒年八十三著有  
春秋會要存稿

蕭德廬陵人性孝友親歿哭之慟負才學應鄉試策陳時  
事被黜足跡半天下遇勝境輒吟哦忘倦著有邃堂說  
詩等集

郭斌字南榮廬陵人鄉舉事祖父得其歡心少有酒過大  
母責之遂終身不飲與人交必信嚴義利之辨與學者  
言勉以倫常後及經史至今人猶思其剛方

趙明誠字欽齋廬陵人歲貢生好學深思素負文名性肫  
摯處世謙和教學以心術品行爲先貧助以膏火陶成  
者多

劉璟輝字鶴汀廬陵人鄉舉家貧嗜學耄勤不倦初入都  
會父門下士典禮闈竟不一投刺閣學全慶侍郎黃贊

湯大理卿李聯琇督粵閩學皆延入幕晚年截取知縣不赴倡建本鄉貴德興賢兩書院從遊多所造就咸豐六年寇至負繼母避深山圖書一篋而已卒年八十歐陽榮字介卿廬陵人以鄉舉官內閣中書爲人醇厚周詳言動必謹周益公文集無傳本榮搜輯校刻又與兄杰同校刻歐陽文忠毛詩本義歐陽圭齋文集杰字芝田以鄉舉官國子監丞性和易與兄慎弟榮白首怡怡鄉里矜其家法

李文彬字質民廬陵人歲貢官寧都州訓導陞贛縣教授服官十餘年以誠敬二字爲教父六十商粵西徒步迎歸侍養其族人大本力學以樂育爲事家素貧積館穀

以建義倉鄉里亦服其教

彭縉字笏榮安福人鄉舉行篤學粹友教四方多被裁成廬陵彭慶鍾其高弟也著紫閣詩草子珣舉人同治十一年知府特克紳布延修府志未幾卒

歐陽庸字拙齋安福人縣學生生有至性力學以博親歡母歿廬墓三年咸豐三年之亂知府陳宗元團練丁壯防守延庸爲統領以勞卒庸慷慨好推解讀書能見其大士林重之

楊文燮字理堂安福人鄉舉挑取知縣因親老不仕生平廉介自持倡修興文書院勸舉采芹文會咸豐六年粵匪踞城欲脅以僞職終不屈

周鏞字毅齋安福人父病侍湯藥十餘年醫妻奩以延名醫父沒事母尤孝道光間舉於鄉後以母老不復會試母卒年八十一鏞亦六十寢苫枕屆哀慕終其身訓後進以實學精易理同治間祀鄉賢子學易舉孝廉方正周正字鑑池諸生幼孤事母孝父積學未售益攻苦以繼父志課徒風規嚴峻貧而好學者不計束修族鄰仰其端方子立瀛別有傳

王及甲字春疇安福人鄉舉九歲失怙哀毀如成人生平正直不阿鄉邑義舉皆賴提倡勤學業雖老不倦從遊獲雋者眾同治十年知縣延修縣志子椿蔭進士官兵部主事

吳勳奏字希搏永豐人鄉舉性孝謹事親奉養無違親疾衣不解帶者數月親歿哀慟欲絕師死妻老無子邀同人醵金贍養同縣程履安字愉坦弱冠中武鄉試連捷進士九齡失怙事母至孝生平嗜學表彰節義

宋聲偉字響泉永豐人恩貢生督辦義倉勸理軍務及縣中公事以勤勞著閉戶獨居不輕涉公府選餘干教諭未仕卒著有蠡勺吟詩稿同縣劉繹序之

吳之瀟字春臣永豐人廩生性孝友事父母能得歡心家故貧授徒多所成就著有環山書屋時文稿

王廷棟字嵩芸廬陵人由附貢生援例分發湖南知縣未赴性豪直府縣公舉及白鷺書院各款均力爲維持咸

豐間寇變籌餉辦團卓著勞績知府特克紳布延為府志局經理稿未成卒同族植三廩生亦以剛方著知府

曾省三贈以忠肝洗盡儒生酸之句以上新增

義行

盧志首列劉德言傳今案德言已有傳見庶官故刪此

宋

王翊字南鵬廬陵人靖康中授將仕郎德興縣丞棄官歸隱闢館以教學者發廩賑饑人高其義孫琳淳熙進士監車輅院時韓侂胄當國欲見琳却之改瀏陽主簿歷知南安靖州疏罷貢銀民懷之

王琰字委安廬陵人紹興初郡盜作難大將劉紹先奉命追之舉琰共謀琰設策奇中尋滅賊幕府上其功辭時

浙西大歉琰獻船粟數千斛於連帥李綱上聞授欽州安遠尉兼主簿棄去家居益修信讓里有兄弟訟久不決縣令黃萇令質諸琰琰徐為開導各愧悔退子孚字信臣為人溫恭好結納能與所交同憂樂朱子亟稱之子峴亦遊事朱門孚初授承節郎轉保義郎以上盧志歐陽斗南安福人性質直尚風節時秦檜專政斗南上書言國事伏闕下三日不納退宿旅舍束草為人以書置手中設祭其前扁門去後為舍人所首檜怒甚移文大索不可得其墳在沙塘茨湖之原每春水漲而塚不沒

參通志人物志

陳大有永豐人紹興間國用不給詔天下豪傑能以私囊

助者受職大有盡以所蓄獻授光祿丞不受高宗嘉其義手書一層樓三字賜之學士揭傒斯為之記

劉昌泰和人紹興間饋餉勤王膺旌表曾孫慶善從文天祥勤王同時有郭志道亦從天祥起義

蕭必達泰和人開禧十四年南安洞賊入境焚掠必達同蕭必顯起義兵保障一方事聞詔賜必達以爵死於陣

者立廟祀之額曰忠義廟在府南火鵬里

梁皞通志以字和淑龍泉人岳曾孫智識超羣有志畧

家豐裕咸淳間歲大饑發倉賑濟民感其德名其倉為惠濟值羣賊蜂起剽劫鄉村皞集義勇保守寇不敢犯時大谿崗賊熾文天祥領兵進討和淑領貨佐軍需賊

平事聞於朝旌其閭為敦義卒祀忠義孝弟祠子衡克承父志常甃街路建橋梁於下湖曰坐郎橋

胡洪範吉水人咸淳間國學生因星變應詔上書詆賈似道專權誤國似道怒欲置之死太學諸生伏闕申救不允丞相江萬里復抗疏力言遂得釋歸憂憤卒

劉朝諭字文開永新人後錄咸淳時草寇梅七作亂大軍不克朝諭協領義兵擒獲送朝有功受勅

謝彥昇永新人後錄生有異相胸臆如印年二十五自捐糧二十萬運至黃州接濟軍儲事聞寧宗召見授行軍

總管固辭不就厚賜金帛歸隱東山雍正五年建祠崇

祀

謝士琳永新人後隸永寧宋季與姪宗道首興勤王義兵修龍王寨以衛胡鄉閭民賴以安辟為靖江主簿

謝士賢永新人後隸永寧宋季獠寇為患奉勤王詔募士三千餘人直衝賊營破之授升鄉寨巡檢陞蒼梧尉

謝東魯永新人後隸永寧宋季獠寇負固官兵夾攻弗下東魯領兵深入殲厥渠魁事聞授以爵賞辭弗受退居羅陂

號介然翁年九十三終

溫紱泰和人會擊壺瀘洞出粟助餉封衛國將軍

吳叔啟泰和人紹興初其先自廬陵來典西平營寨愛三

顧山水遂家焉五世至叔啟從文天祥為勤王義士

蕭保孫泰和人從文天祥勤王傾家効力

劉日新安福人富而好義與王炎午為友當文天祥勤王

日新輦米犒師授之官不受

胡天燭字端逸廬陵人漕貢進士與文天祥同學校相交

契天祥起義天燭盡出家財犒軍天祥贈以詩詩見藝文

陳龍藻泰和人值縣署火災龍藻倡諸士民出力新之數

月而就不費公家一錢規制宏敞加於舊署以上盧志

蕭君玉泰和人天聖間歲饑賑糶疫癘餽藥并撫其家又

施惠行人卒葬流源皇祐四年冬甘露降於墓松七日

知縣林肇盛露送郡適郡中燕賓和露酒中味如飴表

聞付史館子筠州推官迅建甘露亭於墓道

樊資深永新人少遊汴問學司馬光皇祐初中拔萃科授

潞州別駕告歸為人剛介博通經史周恤嫠族鄉有貧無食死無棺者畢力濟助之

曾裕泰和人

一作永新

熙寧中大饑裕散錢賑之明年復設粥

於路鄰封就食以萬計安撫使劉瑾檄縣令以聞裕嘆

曰吾豈鬻名者哉寢不復論元豐末吏治逋租甚急狂

獄滿餘繫公所多飢餓裕代其輸元祐初歲荒裕又發

穀減糶及卒曾安止以安靜居士易其名爲作傳

李彥清安福人官宣教郎有彭三甫者因治案問死罪彥

清憫其無辜以家藏金孟代贖曰與其收死器莫若救

生靈廬陵胡銓題其堂曰金玉流芳

周務實安福人邸舍拾珍珠一裹明晨失珠者來曰經商

十年得此今失之不如死務實憐而還之

馮魯山永新人少時市故書於肆中得遺珠數十求其

人歸之又常出數萬緡活友人死罪人服其義

鄭開先弟智先泰和人嘉定中江南饑饉加以兵戈搶攘

餓莩載途開先兄弟饑予食渴予飲遠近賴之復立義

庄置長府以周鄉里設羹飯於雲津橋詳吳澄雲津書

屋記

羅士友廬陵人未弱冠喪父取先逋券焚之人有急必賑

恤或有負者無少動於色爲人謹約終日危坐無惰倚

女隸無敢近几席里之言家法者皆曰羅氏景定間授

承務郎致仕卒所著有史編十卷諸家詩體若干卷

謝宗和字竹坡永新人今隸永寧嘗立義學以教子姓淳祐歲

饑出粟散賑見塗葶葶捐棺葬之事聞辟為德安縣令弗

就以上盧志原列  
善行今併入

元

鍾敏叔泰和人元初西鄙寇起州兵寡莫能制宣差何單

騎走敏叔集鄉人討賊事平上於朝授護民帥辭不受

項振宗龍泉人至元二十五年廣獠董賢舉等自上猶掠

禾源振宗出貲餉軍請元戎率蒙古軍併戍卒討平之

戍卒倉猝生變振宗單騎往諭翕然就道縣學舍就毀

者增而廣之祭器悉備縣橋梁圯獨力修復事聞表其

門曰好義又以賑荒格例膺上賞授進義副尉兩浙都

轉鹽運使司司丞子時俊至治三年以扈從功授承事

郎同知永昌府事泰定元年創濟川石橋吳文正澄記

其事

劉隆瑞安福人今隸蓮花廳父母死喪祀循禮至元三十一年

獠寇陸梁青山朝廷遣簽樞督捕隆瑞遠迎大軍芻糧

畢具民賴以安豪右有憾於鄉人伺間報復隆瑞白寃

於主帥活者數百人寇平奉府檄賑饑疫撫流亡有司

議築壘備寇隆瑞言於閩帥罷之隆瑞倜儻好奇節晚

耽觴咏鄉弟子因其宅多梅稱曰梅國先生以上盧志

劉如翁嚴用父俱吉州人散財周急採元史孝友傳序補

蕭繼文泰和人至正間捐貲建書院於北門祀其族祖清

節公割田延名師以教四方來學者又作孔子燕居祠以臨蒞之

李以忠泰和人至正間以子作楫充州學生員捐常稔田百畝為諸生膳資

劉愛山安福人平章史天澤提十萬兵過境愛山供億有方史甚器之

王仕敬安福人以貲佐縣官討平寇盜授指揮同知

周監字宗祥吉水人少有智識元季與子吾文誓眾為義

兵召里人挈家東山下伺賊釁賊焚掠膠市率眾逐之賊大敗走因為水陸營以應官兵時吉安守臣梁克中治水軍於大洲上其功擢吉水州判官至正十四年歲

饑告糴軍門監得粟以賑隣縣避賊者扶老攜幼來依監納而育之明兵南來監以兵率子從征

郭楚金吉水人至正十二年汀寇陷吉安楚金奮身力戰城復

張均佐萬安人至正十二年春龍泉彭時中率眾侵屬地均佐募義士佐縣尹蕭同善縣尉荆世傑鎮守江面與賊壘相持經二載賊無敢犯

劉西泰和人至正間兵臨吉安城陷監州達理馬識禮倡義守禦西首捐幣粟募勇繕兵翼佐備禦民皆誓死不去

陳宗達泰和人至正間寇攻雷城宗達募民兵擊走之事

吉安府志 卷三十六 義行  
聞授遂溪縣尉歷遷石城主簿卒

高景瑞字玉壺龍泉人至正十二年萬戶張祥守龍泉景瑞以米五百石餉軍又以征捕功授護民巡檢既而彭時中據縣招之不仕

劉綸字子綸永新人弟琚字子琚至正十二年兵起淮甸蔓延江南西諸郡山氓誘脅爲盜綸琚出貲募勇敢率家僮雜行伍分屯要害列狀白府府檄綸同知本州事屯大沙琚以廬陵尹屯西江市安福寇猝至綸殲之幾盡大沙當永新孔道綸擒斬倡亂者水陸獲通西江市據安福廬陵要衝盜出沒伺間奔突琚鎮定之縣小塢坑有逆奴謀其主產盡殺主家口惟一孫獲免琚捕奴

梟諸市梏其渠獻府明年殘盜乘尙寇出騷肆劫琚復捕戮陳其尸十四年大饑琚發廩以賑府使至境立賞格捕賊邏卒縛治麥農數輩爲俘琚抗辭立雪其冤會江西失守諸郡縣相次陷沒綸遂徙廬陵琚歸匿上麓山中督耕織以終絕口不言時事

蕭天祐字師文吉水人元季傾貲聚義旅保障鄉里爲官軍嚮道賊望其旌輒驚怖參知政事全子仁承制授主簿不拜時里有劇賊擁眾數萬天祐合宗族梗其喉牙賊憤圖掘其先人墓天祐與苦戰度不免取墓中遺骸負逃已而還合官軍大破之是時梁克中守吉安城數年賊不能破天祐等力也明兵南來天祐遣弟師賢率

壯士從鄧愈破熊天瑞於贛天祐容貌儒者直諒敦實家累千金同產百餘口庭無間言其遠宗鄉人有貧者調卹備至

蕭景字思賢泰和人嘗捐田易侵陂三所溉田數百頃全

子仁至縣景投牒出貲為築五里營有假佛號倡亂者

伺其出斬之眾心懾服論功授萬安尉不受祀鄉賢

程世卿世達永豐人紅巾變起兄弟以先世武胄為縣人

倚重時陳海倡亂境內騷然鄰縣糧草悉輸其家世卿

兄弟惡其不義禁無得輸陳海怒而殺之世卿子彥謙

練兵以圖報復陳海遂遁自是鄉里無兵革之警

朱思忠字孔厚泰和人元季防變白監州達理馬識禮預

為保障計紅巾賊起即倡義領兵扞衛芻糧兵器皆自

備鄉里賴以保全全子仁承制令署興國尹卒於家祀

鄉賢

蕭宏量梁瑞甫俱泰和人收養壯丁自給糧械奉監州令

防禦早禾市西北鄉民皆賴以安

蕭聖觀字志立泰和人善騎射元末大亂州守達理馬識

禮檄守北門時吉安城已陷守城者退走泰和至北門

無驗聖觀橫戟拒不納一時皆譽其能以上盧志

周樂盧志誤作周樂博今從縣志更正安福人元至正十二年盜賊侵境

率鄉人禦之遇困貧者解衣糲食老穉皆感其惠參盧志縣志

志案盧志明代義行又有周樂傳云周樂永豐人壬辰寇起嘗率鄉人禦之王辰即至正十二年也與此傳

事跡相同疑為一人然不敢徑行刪併附議俟考

周輝安福人性剛介至正十二年仗大義率鄉人扞敵十

四年歲歉又推己廩濟之

鄒思貞安福人紅巾亂以智勇為眾所推柵保鄉族免流

離之苦者垂二十年

彭祖興安福人元季喪亂鄉豪橫恣祖興列實以聞稱旨

賜衣楮呼曰奇男子明永樂初詔官兵輯鄉寇祖興以

其居建行營且效區畫曾孫睿亦以善行聞

蕭華孫泰和人元末寇亂率族保護

劉明道泰和人元末寇警與從子震奮集勇扼險保障劉

松為作傳

蕭廉泰和人父斯和元季兵亂又歲饑散財募義保障其

鄉並發廩以賑廉時弱冠殫力佐之喜從師儒遊博沙

載籍熟近代故實

歐陽以忠泰和人元季盜起發帑廩聚義勇保障鄉族窮

乏者賑之持身治家悉以禮雖耄期春秋必親率子弟

謁先人墓

李倉崖吉水人元季寇起率兵保障擊賊有功行省數褒

賞之

胡榮祖吉水人銓四世孫樂安永豐諸寇侵暴榮祖特出

貲接濟軍士起義兵以平諸寇詔旌表其門閭曰義士

表其坊曰安仁

劉昭字明道吉水人元末紅巾賊起昭起義兵保障閭里奮力百戰江西行省移文褒之參政全普菴撤里兵敗

於贛至萬安賦詩曰灘頭義士猶酣戰城上將軍已失

機所謂義士蓋昭也以上盧志

曠通志作鄭成廬陵人讀書通大義時安福巨寇將迫境作

成以義激勇士力鬪獻俘於監郡納速兒丁監郡喜曰

得義士如君數輩何憂紅巾哉同時族人作楫亦能出

力捍蔽生平尤狷介嗜學參通志

簡舜卿廬陵人元季募兵保守地方寇至奮身前鋒熊天

瑞攻吉舜卿扼之幾為所獲監郡嘉其功授以萬戶

黎繼武萬安人三帥臣科征軍糧胥吏誣以河岸田地稅

糧一百餘石民莫能輸繼武甫弱冠憤陳臺司不報遂

詣京師條奏數事極言民家稅糧諸苦上可其奏授福

建莆田主簿元末退隱壺山洪武初攜家歸城南有司

欲為薦辟固辭自號雲谷以上盧志

龍光庭吉水人來安縣主簿當淮南有警饋餉不乏兵部

尚書黃昭招撫江西以光庭參謀軍事首倡義士黃子

淵蕭景忠率眾擒賊首李彬一吉安遂平通志

彭寶林廬陵人元季集鄉兵破走斬寇復吉安城功第一

授水軍萬戶父源竭家貲給餉將兵勤王日費千金未

嘗吝惜至正二十二年寶林知事不可為取所授虎符

北面再拜焚之號慟欲自盡念其父九十餘未忍絕而

復蘇杜門不出子志道代父領其眾內附從常遇春下  
贛與文正守江西有功不言賞亦自免歸解學士彭氏譜序

錢鉞吉水人元季盜起連結捍禦以兵法部署其眾盜賊  
不敢櫻其鋒遠近多來依之人物表

陳顏字伯淵吉水人大德十一年歲饑發穀以賑族里稱  
貸者不受息延祐二年寧都寇作官兵討捕所過暴橫

顏具酒牢慰遣之閭里得不擾泰定二年州守馬稱德  
新學校顏捐田入學親戚子弟孤弱者教誨婚娶之

鐵柱雲龍泉人父沙板為龍泉縣達魯花赤任滿因家焉  
大德十一年龍泉大饑柱雲發廩千五百石以濟縣尹

上聞表其門曰好義

周莊安福人嘗拾囊鈔六百貫俟索者不至歸禱於神再

往俟其人泣而來莊慰而歸之

王克清安福人嘗於旅邸獲遺鈔數千貫同寓者相賀清

曰汝等聞向敏中事乎竟不取歲凶出粟賑貸以為常

有貸清錢者將鬻子女售之為焚其券

歐陽景哲吉水人至順元年大饑發積粟以賑鄉民本州

聞於朝詔表其門

徐平遠吉水人出粟賑饑詔旌宅里

黃敬吉水人嘗捐貲造官陂橋復株水陂置楓子江渡船

農事告急鄰里有不足者輒貸之粟立家塾令鄉人子

弟來學尤喜賓客接禮賢士

劉庭老安福人沈潛六藝篤行好施歲設粥食饑者有父子客死庭老經紀喪事且撫其孤桑田溪漲漂尸滿野為載糗糧具棺槨以賑瘞之

鄒澹廬陵人蚤孤修長者之行發穀賑荒鄉里有警率眾相保造橋甃途以利行旅嘗作亭日月近鄉里賢之咸

曰鄒月近

劉源深安福人至正間歷任常德司訓韶州學正嘗拾遺

金俟其人歸之子子翔明初以薦辟起奉命賑河南歷

官山西參政多惠政以養歸

彭懷劉祉安福人皆好善喜施以上盧志原列善行今併入

明

羅士立廬陵人元末參政全普菴撤里辟贊軍務不就贛寇數萬猝至肆屠戮士立率其子弟破家練勇立柵皇崖山境內皆得安堵明初以薦授瓊州學錄

蕭應泰和人父安正洪武初相繼長區賦應力趨公事捐已以益細民平居厚撫孤姪取耕讀名所居賦詩自娛

羅仲淵吉水人元末挾貲客淮南結交豪俠士洪武時應

詔至京師遂籍江寧永樂初上書言十事上嘉異之仁宗監國江寧令王凱上元令魏鑑造戰車不如程繫御

史獄仲淵獨詣東宮陳之賢狀仁宗召仲淵語曰戰車重事縣官誤之惡得賢仲淵頓首曰人安得每事盡

善仁宗喜以為長者言即釋兩令後應天丞張執中以

盜官錢繫獄使人誘仲淵言仲淵曰丞冒私罪敢面謾執中啣之誣寄鈔十五萬於仲淵所連逮獄長子三錫夜攜千五百金償所誣鈔得釋仲淵雖以強正受誣然自負好俠益甚三錫子通為都御史有功景泰中

陳漢隆字世賢泰和人宗達子元末遂溪賊起漢隆為賊獲脅之不從縛益急至中夜以計脫去及賊平前劫者望見愧避漢隆召而安慰之人益高其量明初撤所居堂舍造學宮遣其二子入為弟子員

藍世瑞吉水人明太祖討陳友諒世瑞載白布五千疋赴鄱陽助軍太祖喜旌授冠帶建勳義坊卒贈忠襄大夫彭翔安福人洪武十三年陳寇叛助戰鄱陽朝廷封為義

士授副府鎮守湖口妻劉氏遇賊欲污殞身浦口崖巔亦封為烈女淑人

匡思堯萬安人洪武時以草莽臣上疏通水利以紓民難辭旨愷切上俞之採思堯所陳諸圖命官鄧南易祥可專理疏鑿復令周視天下溝瀆川渠宜開導者無俾障塞學士解縉作疏源記志其功授工部虞衡司主事

馮勝恭龍泉人洪武間以石甃南中陂灌溉田畝甚多後洪水衝決子南金復修

程孟簡永豐人少負剛氣鄒瑾為奸黨所殺孟簡以通婚姍故連坐擬邊遠軍遂自刎於兵部堂上部官為之動容稱為真義士

戴審安福人

一作永豐

洪武末授五軍斷事司稽理以事謫戍

宥歸守令再薦之不就建文四年鄉惡少欲聚爲亂審

設方畧追捕未幾各鄉盜起環境獨晏然故人舒庸死

投以子竟教育成就之著有古愚集慣窮集

李介圭信圭弟泰和人授承子郎嘗置義莊給族里之貧

者縣人陳循爲作記

羅修齡永豐人大盤山盜起朝廷命有司捕之修齡集鄉

兵三百人具白粲百斛以從正統中復輸穀二千五十

石備賑濟奏名賜勅旌爲義民

杜環字叔循廬陵人侍父一元游宦江東遂家江寧環好

學工詩謹飭重然諾喜周人急父友兵部主事常允恭

死於九江其母張氏來依一元歿已久見環道故環扶

就坐呼妻子出拜厚遇之母性褊急留環家十餘年私

誠其家人曲順無忤病則親烹藥以進環官太常贊禮

郎奉詔使會稽道嘉興逢其子伯章以告餘半歲伯章

始來見母尋以他事辭去環奉之彌謹比卒殮葬如禮

蕭衡字彥平龍泉人宣德五年授廣州府衛倉大使改潮

州清溪巡檢陞湖廣宣陵縣主簿致仕景泰三年捐貲

買彭汝霖地基爲本學訓導公廨

彭嵩項棐俱龍泉人景泰五年各捐銀重葺日新時習二

齋及齋旁翼室

劉玉明萬安人景泰三年捐貲建櫺星門三座

劉以亨龍泉人景泰四年捐建鄉賢興學二祠祭器官書二庫

吳宏永新人宏治七年捐修廟學縣令王嘉其好義有記

羅城一作誠吉水人諸生修撰羅倫言事被謫城奮然欲救

之白於巡按陳選遂徒步赴京上疏敷陳王道三十二

條深切時弊當道以為倫黨下禮部議罪尚書姚夔命

作雪歌立成二篇讀之獎嘆不置名動京師侍講彭教

贈以詩云布衣徒步自江南上奏公車直氣酣猷猷憂

時人共羨班行竊祿我方慚不逢且復龜藏六有韞何

妨足則三賈誼有書歸取讀他時捫虱聽高談

李坦安福人隱居錢山性嗜義嘗畫田一方為井擇族中

八人授之耕以其中分田供稅井之所不及更置五十

畝以食鄉人之不給者坦兄坤將沒遺命嫁其妾不知

其有身也未幾生子坦廉知其事物色所生子絕類坤

急取歸為之娶婦授以兄產縣大夫嘉其義題曰義門

陳文珍永豐人宸濠叛首倡義舉知府伍文定旌其賢子

壁賜嘉靖十九年二十三年連賑大饑知縣凌區以尚

義

江珙字德實永豐人宸濠叛王守仁起兵吉安知府伍文

定與珙定策火攻珙以吏員理中軍事至鄱湖王家渡

阻風不進珙仰天祝告忽得西南風遂殺獲賊首黃姓

及從賊劉金等十三人以功授河南斷事

郭叔興字瑞菴龍泉人正德六年桶崗寇變御史王守仁率兵征勦叔興助穀給軍需有司上聞獎以義官冠帶

龍崇志永新人助建本縣浮玉閣

案崇志後盧志有龍光傳與庶官複今刪此存彼

劉仰字高夫廬陵人宸濠反仰率族屬詣府請戍城知府

伍文定義之比宸濠擒遂歸優游雲峰之下日事施與

繕橋道十餘所立義學課鄉人子弟知府奉詔爵之不

受舉鄉飲賓亦不就年七十七卒羅洪先為作雲峰傳

趙銳字仲穎廬陵人王守仁令廬陵時銳與從祖允霖竝

以布衣遊其門會宸濠反守仁集師螺水上銳與允霖

獻千金犒師從軍有勞績宸濠擒守仁欲爵之銳力辭

去以布衣終

蕭經字西源廬陵人正德間掌府刑掾宸濠反從伍文定

一行軍選騎執銳為前驅大闔張忠忌文定功因見執而

撻之經掖之返舟文定告病歸武皇幸南都遣大璫赴

江西定功次索各官賂不得誣以私通宸濠檄解吉屬

文武官十七員置大辟新代者愕然計無所出經請以

身當之詭稱文書到郡掾房不做於火請治掾罪緩以

時日代者從其計十七員由是得免璫下郡杖經八十

流雲南期年遇赦歸以子官累封奉政大夫

歐陽况闕子泰和人嘉靖間以貢如京師入太學同舍某

病調護盡力歿則棺殮某子以謁選稱貸畀之數百金

徐瑞永豐人嘉靖十三年大饑民家積稻皆貴糶收倍利  
瑞獨受質出貨四十四年春民饑貸復如之四十年流  
寇劫縣鄉民入城避者隘不能容瑞首出數百金倡擴  
城之議宸濠不軌助官軍糗馬前後縣令咸禮爲鄉賓  
天性孝友教家甚嚴子祐官提舉有行誼

李尙惠字如賓吉水人性豪爽任俠刻勵讀書不第改胄  
監爲真定府幕時熊廷弼爲推官重其才引置左右凡  
所設施皆其措畫熊與太守不合恨尙惠附熊誣以事  
後寤遂釋尙惠竟棄簪冠歸里里中貧乏悉仰給之園  
池居室爲族人侵踞亦弗較與同縣曾同亨一意爲地  
方興除修學宮雪浪閣同江水次倉本里保禦皆經營

不遺餘力

蕭日表永寧人嘉靖間楚寇擾境日表統俠禦之一縣得  
安建祠崇祀匾曰効忠

周子郁安福人元至正十二年兵起民甚困稱貸苦重息  
子郁兄弟歲儲穀五百石薄其息貸貧民者儒周莊述  
平貸志美之明永樂初林僉事瑜部兵勦里寇子郁兄  
弟五人俱效忠勤林表其間曰獨清

曾于乾泰和人爲諸生有名遊學閩粵間路出贛州會關  
以譏察私鹽久閉糴亦隨阻于乾抗書投大府灑灑萬  
餘言大府爲屈禮延納開關通糴諸鹽賈循故事斂厚  
資納謝于乾弗願推官王華向爲同學友下車歡然道

故于乾終華官無私謁羅洪先招處石蓮洞六年

李宗高字高峰廬陵人因探親至粵會太監曹天祥奉勅

督漕杖死商民無數宗高憤罵曰朝廷差汝徵稅何殃

民病商曹怒毒杖之罵愈厲錮獄半載遇恩詔得釋卽

詣闕鳴冤擊登聞鼓禁官執送鎮撫司治罪得釋粵民

皆德之爲立祠焉後鄒元標遣戍宗高有詩弔云從來

七尺皆男子草莽何人更似公

王師仁字守安安福人今隸蓮花廳嘗捐金構書院題曰識仁

劉元卿記之

郭元鴻字于達泰和人少從師學易復通易林數學程鄉

賊起汪副使提兵宿祠下逮兄鵬取鵠五百元鴻代往

啟曰軍行師從古者刁斗相隨卽鍋之遺意民間何所

得此汪怒榜掠數百繫之馬首賊猝至汪遇害元鴻從

間道得免其子子章旣貴猶布衣蔬食不改其素鑿阜

濟渠修陂圳設渡舟利賴甚溥

劉繪字岳常安福人今隸蓮花廳里中江洲水通禾川阻於石

繪捐貲自南溪至谷西陂鑿數十里以通舟楫里人劉

吉爲作義川記

陳良騰字汝升永豐人值閩廣寇發良騰領鄉兵守禦地

方民賴安堵縣令吳廉其能特委清丁均糧鄉人咸服

公直鏃名申明亭中

劉夢材字橋楚廬陵人丙戌兵破城避難者及河舟人皆

義行  
四十三  
奔無舟可渡夢材率其族人以竹爲筏濟之晝夜不少  
息全者甚眾卒年八十六

龍沛字泰和人萬歷中訪潯州太守宗人國祿於肇慶過  
庾嶺道經南雄適邊寇猖獗遭漁劫者不啻千家沛字  
止逆旅中慷慨捐囊金募鄉勇七八百人條畫戰守動  
中機宜殲渠魁斬俘數百寇遂平捷聞當道上其事題  
授驍騎尉辭不就嶺南一郡慶再生爲之建祠

龍羽字袍溪永新人以國學生官雲南參軍候選京師時  
鄒元標以彈張居正奪情廷杖幾斃一時知交親暱無  
敢近者羽初未相識急往救之躬負入獄朝夕護視得  
免於死人服其義巡按朱鴻謨旌其堂曰慕義襄忠

黃得官字惟人廬陵人崇禎鄉舉十七年國變得官從軍  
効力馳驅吉贛間以病卒於永豐山中妻尹氏守節削  
髮爲尼築室曰唯菴

歐陽務本字雲谷廬陵人性慷慨急大義嘗捐貲建祠爲  
族人營婚葬罄橐無所靳歲甲寅邑里大歉乃罄困中  
粟賑饑時兵憲吳檄民輸粟者予冠帶里中士將撫其  
事以應辭弗受遊粵西全州值西延猺以私意內訌州  
大夫不能制奉檄往諭力陳利害猺遂帖然年八十終  
以子王生貴贈南京兵部主事祀鄉賢

劉首昂字閬客廬陵人一作安福廩生弱冠失怙與弟同居無  
私積以其父所遺田爲本支以下供祀事值羣盜蜂起

僮僕肆叛劉氏被禍尤慘率鄉族人乞師捐數百金爲  
勦除費事平眾酬以腴田不受卽以助祭修祠益肆力  
於學後領副貢所著有周易諸義及詩文等集

戴紱廬陵人諸生崇禎十六年張獻忠破城郡中無賴子  
假賊結束下鄉取馬紱訶知糜族人截殺之督學吳炳  
聞之喜拔紱食廩餼後因國變遂以隱終

王之茂字蘭畹廬陵人性敦謹每歲四五月散穀以贍族  
人歲饑煮糜濟荒崇禎間軍餉告匱輸千金賑邊朝廷  
嘉其義建坊旌之年九十卒

朱祚昌字俊字永新人孝友力學善楷草崇禎十年楚寇  
入境倡鄉勇禦之授以劄祚昌弗受親知劉三異歿託

以幼子昌爲經理家務及長還其籍一無所私家居樟  
規橋圯昌鬻產助修人有急爲轉貸以濟或代償之家  
遂落無怨言子扉領壬子鄉薦

劉光樞字毓秀永新人負異才督學黃寓庸首拔之後以  
文廟基土爲勢豪占據倡義清復未幾暴卒士人惜之

周樂永豐人壬辰寇起嘗率鄉人禦之

胡士良吉水人傾貲率眾保障鄉里

以上  
盧志

謝昌晉永寧人諸生妻喪義不再娶生平博學善書好善  
樂施鄉人德之

歐陽吉王安福人娶彭氏生一子甫週歲彭氏沒時吉玉  
年二十四妻父勸其再娶吉玉曰夫婦匹偶義不可忘

况既有子乎持身端謹讀書至老不倦卒年七十四

黃仁壽泰和人性孤介不妄交妻亡終身不娶

劉如淵萬安人義夫

以上四人盧志原列孝友今移列

尹純泰和人洪武初分領本縣學教事陞上海教諭嘗捐

田作陂以利耕種鄉人名曰尹公堤

范天柱永豐人洪武間輸粟助賑奉旌義民

歐陽孚先字後峰泰和人國錄堯之子堯有善行元季隱

居不仕孚先嘗教授龍泉歸途遇一婦人哭投水詰其

故則其夫以逋賦株連病且死嫁妻以償金復為攜者

失去孚先傾囊金以其半贖婦半償賦遂解其厄孫觀

民喜蓄藥濟人適有贛卒艤舟江干同舟二人病篤莫

知所指因與之藥留十餘日病竟愈

甘道心泰和人喜周急資貧度不能償者焚其券洪武初

贛屬不靖官兵俘獲生者悉械送京師取道泰和道心

資以飲食衣履復給以米人稱長者

鄒炫永豐人當靖難後族屬零落炫聚而教之費皆已出

先世第宅為豪右所侵倍金購復所居當往來之衝建

橋設糜以濟行旅貧不能葬者備棺給之有旅人卒於

道炫具棺以瘞後其父尋至為指示之并歸其囊金

周伯益廬陵人輸粟五百石旌表其間賜冠帶

謝子寬龍泉人弟子隆子宜宣德九年旱各出穀五百石

貸貧民輸逋賦正統元年四年行勸恤之典子寬子隆

各納穀二千石均旌義民景泰二年覓子汝泉汝先隆  
子汝鈞汝賢子宜子汝涵汝卓汝霖汝謨相率捐千金  
修吉安學又捐銀一千五百兩重建大成殿及兩廡三  
年復舉勸助故事汝泉汝卓汝涵汝謨各捐穀二千石  
賜冠帶督學李齡爲之記

會時望萬安人正統六年境大荒出粟二千五百石建義  
倉於武朔救之成化四年荒復出粟一千三百斛於義  
倉流民爭就食時望倣青州法賑恤不遺文廟傾圯捐  
金修葺又重修密溪橋黃塘皆費鉅金

匡崇敬萬安人縣獄卑溼正統三年崇敬捐貲甃井以疏  
水困後罪囚墮井遂塞之宏治五年雷霆交震赤光從  
獄中出井忽自開知縣郭令崇敬裔復爲修浚當時有  
風雷開義氣霜雪見忠魂之贈忠魂乃王麟也以抗疏  
獲罪置獄尋死七日霜雪并降

張宗器萬安人正統六年出穀二千二百石建義倉於金  
竹鋪以濟貧民後旌其長子爲義民子守仁亦以長厚  
名妻朱氏年百歲

徐先得永豐人正統五年歲歉捐穀二千五百石有司以  
聞旌爲義民

楊子旭永豐人河南大饑旭出穀一千九百石賑饑正統  
六年旌賜羊酒免徭役庚子邑大荒其孫盛卿復出穀  
五百石賑荒縣令瞿旌表尙義

劉統安福人今隸蓮花廳正統元年歲大祲統應詔輸粟一千

五百石旌為義民

王九鼎安福人今隸蓮花廳正統元年應詔輸粟旌為義民

甘峻極安福人今隸蓮花廳正統元年輸粟二千石備賑授宣

義郎

彭遵謀安福人今隸蓮花廳正統間應詔出粟二千石旌為義

民

劉南周永新人今隸蓮花廳正統間出粟一千五百石助賑旌

為義民

尹紹興永新人正統間出穀四千餘石助賑旌為義民

朱信廬陵人嘗捐穀為族姓子弟膏火又獨力捐建社倉

儲穀千石以備荒歉正統四年饑出穀二千石助賑復

建義倉儲穀聽官歛散勅旌義士祀忠義祠

賀大行字可大安福人嘗晨遊深山見人宿於樹枝怪問

之云自楚來至夜縛樹間避不虞大行因於此建亭安

福萍鄉界前後三十里止一旅店大行置大幄方廣丈

餘懸店中有病者留弗遣且躬調藥進粥糜歲祲有將

錠裹鉛易粟者大行悞以納賦縣官廉而詰之大行識

其名意不欲舉易粟者曰吾豈肯負善人乃自首後其

人踵謝大行仍敬答之卒年九十四

周仁俊吉水人巡撫忱之子歲饑與叔恂友各捐穀二千

石助賑又各獻良馬於邊朝廷並賜冠帶旌為義民

曾希恭吉水人正統二年捐穀二千石賑饑勅旌義民  
曾友謙吉水人正統間捐穀一千五百石賑饑勅旌義民  
方宗周字樂幽龍泉人正統五年出穀二千石建議倉勅  
旌義民其子宏佩宏珍宏璧孫懋時復捐鉅金重修學  
宮明倫堂尊經閣及集禧賓賓各所  
陳子良字葛亭永寧人正統六年歲大饑出穀賑濟奏聞  
賜勅褒嘉立石題名  
張伯隆永寧人正統六年出穀賑荒詔旌表門閭立石建  
坊免其徭役

尹碩膚永寧人正統間施穀賑荒奉旌建坊賜冠帶

劉述倫泰和人性剛直厚於倫紀族人舉家病疫死亡相

枕藉無有人其門者述倫囑家人善視之旬日疾愈鄉  
人有典司縣庫者嘗寓食述倫遺官錢徑去述倫出原  
封授之人高其義

曾子韶廬陵人富貲好義歲賑饑民嘗作義倉捐穀一千  
二百石正統二年賜勅書勞以羊酒免本戶雜差子孫  
建勅書閣於嶺下

謝允謙安福人置義田以贖不給與不能葬者洪熙間縣  
令舉爲萬石長正統七年與同縣胡中贍曠崇嶽張巨  
川彭弼謨等各納粟二千石賑饑旌爲義民景泰七年  
歲荒揭貸轉糴存活尤多孫實亦以助賑授冠帶  
胡思安福人嘗設倉以貸貧民歲不收息居近要道設水

漿修橋梁里有病不能致醫與死不能葬者購方藥棺  
榘予之正統間輸粟千石布千疋助賑旌為義民

彭淵潛安福人今隸蓮花廳正統間輸粟二千餘石旌為義民

樂象明泰和人諸生正統五年春山左饑象明出粟二千

石助賑濟事上旌義士

陳公俊泰和人景泰間歲頻荒出穀二千六百石助賑上

聞勅旌建坊榮以冠帶

李貞觀吉水人正統景泰間出粟旌為義民

劉康萬安人置義渡百嘉村復置義田為久遠計

朱祖貴萬安人性慷慨人有患難解金以贈稱貸則焚券

贛州龍頭村慕其德義立廟祀之嘉靖間祀鄉賢

李曰昌永豐人好善樂施改修學宮助穀千石

楊曠平字坦道安福人今隸蓮花廳景泰間輸粟三千石備賑

勅賜宣義郎建尚義坊

李本彝龍泉人九疇子景泰三年捐銀重創大成門四年

復捐穀二千石賜冠帶

項榮龍泉人景泰二年捐鐵四百觔鑄本學鐘三年捐穀

二千石備賑賜冠帶成化六年復獨力捐修魁星閣

彭冠龍泉人景泰三年納穀二千石建惠慶倉奏賜冠帶

旌為義官

羅忠龍泉人景泰三年納穀一千二百石勅旌義民

劉克鏞萬安人景泰中大荒應詔出粟一千石賑濟賜冠

帶旌表其義

李宣且李宣樂俱永豐人天順間北直大饑遣子買麥運

京賑濟詔賜餘慶衍祚額旌為義民御史宋元端撰碑

李志沂龍泉人天順二年歲饑輸穀百餘石以賑

馮貴隆字三畏安福人今隸蓮花廳天順二年輸粟賑荒旌為

義民復奉例納粟授冠帶勅建尙義坊

王時誠永豐人天順二年輸粟二千石於象山倉賑濟奉

勅嘉獎

李徽龍泉人天順二年納穀一千石旌為義民

周望王永復俱泰和人天順間以惠恤立石題名

陳良永寧人好義樂施天順元年旌表賜冠帶

賀昂友字雲驤永新人今隸蓮花廳成化元年京師大歉昂友

運粟三千石至京賜勅獎異授冠帶建尙義坊

蕭時舉曾與明俱泰和人捐穀一千五百石備賑成化間

立石題名

楊崇儀劉履陽羅叔儀俱泰和人成化間出穀備賑不受

冠帶

羅暘五字尙實吉水人喜周人急族黨多藉以舉火故舊

有被誣者百計營之出獄或鬻產於暘五以贖父罪所

鬻乃上世祭田暘五裂券還田且倍價助之

周憲吉水人家貧貸人錢商楚時楚饑有貸者貧不能償

憲為焚其券後家稍饒兄弟求分財憲聽兄弟取便利

道拾遺金待其人還之在楚又嘗拒奔女云

張萬鼎吉水人成化初輸穀二千五百石以備賑有司為旌其門

秦明學吉水人成化間捐銀三千賑饑勅旌其門曰尚義

袁汝昂吉水人成化間捐穀二百五十石縣令蔣綬立石

旌為義官

歐陽尚忠吉水人廩生成化五年出粟五千石賑濟詔旌

其門曰世義

王守禮廬陵人成化十七年大歉守禮捐穀一千七百石

賑饑又倡舉義倉奉勅旌為義門壽百有一歲

劉黻字貫裕永豐人成化三年大饑出粟助賑又修先師

殿西陽宮文忠祠知縣強滿唐瑒俱以賓禮待之嘗從

征斷藤峽積寇晚年徜徉詩酒間

鄒慎龍泉人廩生成化間頻饑慎出粟千石賑荒賜冠帶

所居蜀鄉流寓雜處死亡者多露骸慎於鄉之六祖菴

傍建義塚又置義田創家塾立祭產後人賴之

曠溥泰和人成化間捐穀一千五百石輸義倉賜冠帶旌

為義民又里人苦旱溥捐田百畝濬陂導水以溉之即

中尹萬化為之傳

蕭迪龍泉人成化三年大饑輸穀二千石賑濟四年捐穀

百餘石十五年輸粟一百石二十二年全李丕顯丕用

各出粟百餘石先後助賑俱賜冠帶

蕭孟魁龍元珠俱永寧人成化間出穀賑荒旌為義官

劉騰良字玉山永寧人成化四年出穀二千三百石助江

南賑濟授以官固辭賜勅獎諭建坊

尹楷永寧人成化四年出粟賑饑旌表建坊

彭南麟萬安人出銀二百兩重修明倫堂羅欽順作碑記

劉鍾萬安人歲饑出粟以賑灘水危險置義渡成檜溪橋

鑿高公嶺又貧民疾施藥療之有勸善錄行世

李尙朴萬安人家貧好讀書嗜酒喜詩薄進取歲除乏粟

猶吟咏自娛一日薄暮行野見醉人卧地身懷多金扶

以歸其人寤覺失措尙朴道其故而還之又一日過奕

場拾金杯失杯者夫婦交詈尙朴曰某於奕所得此卽

歸之

張元曉弟元時萬安人並南雍謁選曉得京衛經歷時得

西城兵馬司昆弟飭躬勵行慷慨好義嘗置義田數百

畝以周族黨

蕭誠泰和人少孤能自樹立宏治中入粟賑饑賜冠帶晚

年以退逸自號羅欽順誌其墓

羅照萬安人縣學生嗜讀書周急扶困宏治九年大荒捐

粟二千餘石賑饑事聞詔加冠帶

陳忠永寧人宏治七年蠲穀備荒奉旌賜冠帶立承恩坊

謝頤永寧人宏治間捐穀分儲賑濟賜冠帶

陳經貫永寧人宏治間出穀賑濟奉旌建坊

陳忠厚字陽鶴永寧人宏治間出穀二千一百八十石助賑江南旌表立坊

尹常通永寧人宏治間運糧南京賑荒旌表建坊賜冠帶

尹瓚字玉旒永寧人宏治間出粟賑荒勅旌義民建坊

方宏持龍泉人宏治四年九江大祲捐穀二千石賑濟賜冠帶建坊

彭悱龍泉人宏治十四年饑捐穀二百石賑濟賜冠帶

劉介禧永新人宏治間縣大饑傾廩以濟詔授宣義郎

溫秉悅萬安人嘗置義田五十畝以周鄉閭

何廷貴字梅村萬安人廉峻有潛德嘗拾黃金三百訪亡者還之報以金不受著有廣三體并郁離子遺芳集

龍振麟永新人太學生每歲荒貴糶賤糶以賑饑人負者卽焚其券又助田租三百桶入浮玉閣

帥朝達陳雍俱永豐人正德間輸粟助賑旌爲義民

胡周誠萬安人正德五年縣學宮燬於寇捐銀千餘建復嘗拾遺金悉以歸之失者一夕夢神貽絳帛書堯裔二字後誕九男二女符其祥

郭敏道萬安人正德間饑糶穀二千餘石以賑全活一方  
馮顯寧龍泉人正德四年寇亂大饑捐銀助賑旌冠帶  
羅宗鑣字贊侯吉水人諸生族有亡徙在外爲人螟蛉子者宗鑣鬻田往贖俾歸宗續嗣嘗催田租至永豐會人負債將鬻妻以償卽指罔畀之完其夫婦

何珉字東暘廬陵人爲人有節概正德十三年饑輸穀一千餘石納義倉散賑事聞旌表

羅英字默菴吉水人博學有才鄉族貧乏者咸賴之嘉靖元年贛水漲溢殍者盈江于英買棺掩蓋又捐貲砌謝家橋年九十六卒

蕭相廬陵人嘉靖間歲大歉出粟賑饑翰林歐陽乾元以其事聞於朝賜冠帶

徐近璽永豐人芳妍子嘉靖間捐金修學復出穀千石助賑府縣獄并淤塞近璽開鑿通泉并置鐵石浴盆各一造府境平理坊聶九鳳聘妻貧不能娶近璽仗助成之縣有歿於官不能歸櫬者資遣還鄉又里人徐迪鬻子

艾只一嫁妻近璽皆全之

曾自任曾自儀俱永豐人嘉靖七年兄弟各輸粟千石賑饑又割田百石以贍鄉都虛糧聶豹爲作尙義碑記

聶齊二永豐人嘉靖間捐穀助賑貧不能殮者施以棺刻名旌善亭中

張宗舜字石竹龍泉人嘉靖二十五年率義民歐陽雍馮宣輔蕭珂蕭濬等各輸穀五百石賑荒並賜冠帶

羅介宗劉廉歐陽欽鏜郭賢元彭宗漢俱龍泉人嘉靖四十年各輸穀二百石賑濟四十二年復與梁朝元蕭欽襄唐時紘等各捐穀二百石賑濟俱賜冠帶

羅啟憲永豐人以勤儉起家置義倉周宗族買田贍學輸

粟濟邊居喪不用浮屠妻亡義不再娶

劉岳安福人嘗捐貲浚鑿溪石數十里通舟谷西陂守令

交獎之又劉兆衮以田三十畝贍族黨鄒守益有記

何鏖廬陵人慷慨好善重然諾隆慶間歲饑佐守令賑濟

輸粟三千石事聞賜冠帶旌其閭曰尙義

張祖煜龍泉人隆慶二年勸賑祖煜同堂叔父亮義民羅

介宗歐陽柏梁朝元劉廉彭尙龍謝宗顏各輸穀二百

石彭鉅彭玠李林向等各輸穀一百石彭繼祖繼先選

先等各輸穀五十石俱賜匾額褒嘉

婁世絜吉水人萬歷間前後應詔輸粟二千石有奇詔旌

坊曰尙義

王廣倫陳孔卓俱吉水人立石旌義民

孫松樓吉水人萬歷間年荒賑粟三千石

徐卿吉水人萬歷間出粟賑饑有司授以冠帶

劉三傑吉水人冠帶義民

劉至周泰和人萬歷間捐穀二百餘石田十二畝儲社倉

備賑又助修鐘樓捐田贍祭縣令匾曰尙義之門

蕭隆樞泰和人壯克自樹喜施與襄鄉里喪葬婚嫁濟人

饑寒萬歷初建立社倉捐穀二千石康五瑞爲之傳

曾裕永豐人任大同通判萬歷間輸穀賑濟進秩同知給

銀建坊

聶坎一永豐人萬歷間捐穀助賑修恩江橋旌爲義民

劉汝宿萬安人國學生士正父惠施三黨爲人營殯葬辦  
婚嫁卒祀鄉賢

盧應台萬安人萬歷間歲饑出穀二千餘石賑之又設義  
館延名師訓勉鄉里子弟

吳迪逸吳思撫吳思魁俱永豐人縣連歲荒歉逸等先後  
各出穀一千餘石助賑創立義倉濟贍萬歷十六年饑  
思魁又捐穀一千二百石賜七品官旌表建坊復出義  
田一百石收租儲倉以賑族貧

帥相光永豐人諸生萬歷四十二年饑出穀千餘石賑粥  
一月又創本里石梁貸人不責其償年八十三舉飲賓  
鄒琳永豐人萬歷十六年大禮首倡輸粟助賑復計口貸

糧不能償者取券焚之縣疫癘多暴屍施棺收殮以百  
計名登府縣旌善亭其先世鄒作劍鄒居吉鄒暘晉當  
宏正嘉靖間亦能助賑累世有尙義風

戴希剛萬安人嘗拾遺金訪而還之泰和胡直有介夫傳  
劉民望安福人廩生天啟間効力史館錄授楊州同知不  
就嘗捐銀修橋路築鄒陂人受其惠著有春秋文集

歐陽兆叔安福人嘗捐穀二百石儲義倉叔父卒於滇徒  
步數千里迎骸骨歸遺弟幼孤教養成立

王應天泰和人捐穀三百斛儲社倉歲賑族隣

劉懋綵萬安人會連歲大禮施粥三載全活無算

劉週字繼卿萬安人生平好善凡賑殍掩骼設漿治橋梁

道路不遺餘力有李具顯者病且死子幼盡籍其田廬屬之週曰平居未接杯酒懼地且遠奈何以妻子託顯泣曰小人知君君不憐小大何也週為經紀其家顯子既長悉歸所籍田廬人貸金不能償者焚其券後從諸先輩問學建梅陂書舍歲時講會族里愈嚮慕之

朱奇鳳永新人

今隸蓮花廳

捐穀賑濟旌表義民

羅如邦廬陵人崇禎初詔民賑邊如邦首倡急公上給冠帶族人未成室者助之聘不舉火者給以粟歲荒又設糜賑饑

劉良賓廬陵人家非素封而喜義行恤貧周急天啟崇禎間詔輸軍餉良賓積千金盡輸之賜六品官建揚善坊

劉文渤安福人

今隸蓮花廳

崇禎十三年大旱出米千斛為糜

以食鄉人復置義田二千以垂久遠同里劉渤有記

歐陽宗偉字木齋安福人嘗立義學訓族中子弟歲荒設

粥凡家糧出納置一木錠約抵三升收置量中發則去

之人以此呼木齋

案此傳盧志作歐陽德德乃宗偉子也縣志已辨明更正今從之

王偉生安福人少力學率子弟講約敦行歲荒推食活眾

先世有學所者設義田療饑偉生復捐百五十畝廣其

惠村近江畔多衝決乃築長堤植柳捍禦眾享其利

彭德教安福人諸生家故貧一日見白羊入廚逼視乃窖

金也弗取夢朱衣人語以天賜當推以廣惠乃取之寒

者衣饑者食代償積逋以全人夫婦金盡乃已

張汝珍永豐人少孤力學捐貲以全人妻發粟賑荒助義田立約所建塾館崇禎九年奉徵辟巡按劉宗祥薦舉二十九人珍預焉

劉希昱字振宇萬安人性喜讀書私淑王守仁遭父母喪皆廬墓終制建義倉立義塾分田租以濟人甲子大饑龍泉民變里人將效之希昱出穀以賑乃息縣令上聞表其居曰今之更老及卒會葬者千餘人

袁日炳字海曙萬安人縣學生置義穀二百石以備賑恤郭來復字首龍萬安人嘗重修梅陂灌田千畝晚歲過青原同諸老衲掘地得故碑前代重修僧與來復同名因慨然任之大啟梵宇為王思任所推

陳坦廬陵人生平孝友尤急於義嘗收養族孤子女捐金周急多至數百兩修吟溪橋出穀二千石鄉人義之

饒成彥蕭煥圭聶萬紀聶廉夫楊子最李德宏郭輔友饒最纏吳篤範俱永豐人一作俱廬陵人正統六年各輸穀二千

五十石以備賑濟旌為義民

胡有初王文子蕭文志龍在霄藍處彝李維霖龍從霖蕭萬里周恂友俱吉水人正統間各出粟賑濟旌尚義坊蕭襄曾存道楊彥實郭仕先楊孟辯郭東維陳允中樂象明陳繼宗康從裕俱泰和人正統間以出穀儲倉勅旌

劉祖貴曾子愚郭宜英胡縉武胡昇胡榮武陳謙俱廬陵人正統景泰間閩粵兵興應詔出粟多至二千餘石署

以郎散秩賜璽書褒異

徐孜敏徐仕貴徐孜顏趙孚顯曾仁吳守泰俱永豐人景泰天順成化間俱輸粟助賑旌為義民

楊子佩楊之所蕭元常袁叔升郭祖忠蕭本器劉從堅尹

資雅嚴所温楊敏異楊廷暹蕭季廉蕭德曼陳公俊梁

郁林羅季玟李漢俱泰和人景泰間勅旌義民

徐叔昊羅爾輔袁克仁蕭季林康惟進俱泰和人景泰間以惠恤立石題名

蕭行廣嚴冠仰康從昭朱九漢龍士唯蕭杲尹彥裴龍士

宏楊介王宜久劉叔裕蕭希道楊珙陳橋劉謐劉瀾彭

公望郭公瓚曾望泰李德郭誠曾之雅曾與樸龍士越

蕭希進蕭用鑾龍叔極張鑑尹方大楊光緒陳元寧彭

威蕭希昇羅甫益胡敬劉閻曾時詢郭聰喻遵劉仲固

梁倫朱九卿羅叔備劉洙俱泰和人成化間冠帶義民

嚴琬陳志浩郭貫王仁敬劉温楊啟節劉世賢楊顯高郭

奇曜王宏恭王天綱劉元貴蕭世清楊啟郭俊蕭正綱

楊琛蕭景卿龍廷明曾文達劉時升胡大縉蕭希遵郭

珩祖曾徽朱季迪曾正元蕭希淵曾會康從本俱泰和

人宏治間冠帶義民

尹坤寧袁仲筮聶士璩蕭永吉郭崇鼎郭時顯李芝禎曾

善衆陳良倚曾善冕羅應培俱泰和人能惠恤

江汝貞蔡清穆徐元俱吉水人正德間以助賑旌為義民

張敬王孔楨吉水人王環泰和人張尙修王尙貞王秀劉  
 永和豐裕張慥劉蘊趙溥周爾伋顏翼之郁履雲郁鵬  
 卿俱安福人李彬徐芳盛張謙亨徐可及姚騰甫曾天  
 然王伯彥曾魁俊徐郊徐昭俱永豐人劉一陽蕭以光  
 郭榮亮温貫儒劉慕道劉希伋曾遠安胡應賓郭來泰  
 劉令德燕以慤曾大猷劉懷舜周開先劉崇堯温仁之  
 郭遵陳懋修朱齊諒劉漢仕張如岳朱運用李望越俱  
 萬安人龍廷謐永寧人彭恂曾挺立劉昌錄劉應春劉  
 世普俱廬陵人賀志美李福遵俱永新人文琳龍泉人  
 皆好善喜施

以上盧志原列  
善行今併入

國朝

周世邦字玉達永新人僞儻好讀書順治二年土寇肆掠  
 世邦奮然率子弟熾渠魁數十人寇竟平歲饑散所積  
 穀貸民不計其息

曾禕字曼長泰和人少孤事二兄如嚴父讓宅與姪受室  
 破產紓仲兄難康熙十三年寇亂縣人有假勤王名將  
 肆剽掠者禕偵知葛巾野服入其軍斥責之其人下馬  
 投戈謝罪里賴以寧萬元吉撫虔首薦禕不就晚歲隱  
 青原

劉必達吉水人幼有才畧順治三年兵變被執稍長逃歸  
 康熙十四年山寇竊發慷慨率鄉都勇壯奮力驅除士女  
 得安十七年荒煮粥賑濟遠近咸賴之

曾振坤姚仕城梁國柱均永豐人居近寧都崇山峻嶺居民散處國初數被土寇振坤三人相率為團練名曰義首會屢挫山寇又從攻韓大任斬獲有差賊不敢犯咸豐間寇亂居民復申義首會約却賊皆振坤創始之力也當振坤率勇從軍時提督統領大軍諸將長跪白事振坤以一布衣陳說軍情常被優禮提督欲令隨營效用以親老不就士論多之採縣志補

郭有連萬安人少從父讀書甚穎異以艱於遇遂究心韜鈴雋武闖七西乞師勦土寇甲寅滇黔寇據吉郡以偽爵致之不就復同官師進勦身任先驅奪回男婦無算子定儼壬子舉於鄉

匡光珠泰和人康熙十三年之變倡義禦寇捐粟千石贍養鄉勇又輸金五百兩助官兵餉境賴以安

賀鰲安福人生平撫孤恤寡好行其德鄉俗庄佃中有女者許字時必先餽銀田主名曰河例以故佃人多溺女鰲概免之鄉俗頓改

蕭宜春泰和人有孝行康熙十三年寇亂倡義保境連歲洊饑出穀數百石賑荒所居山境石路崎嶇募工修鑿百餘里同時尹金汴亦以義行著稱

蕭鼎裕泰和人康熙間捐助兵餉平山寇亂又施棺掩骼頻年游饑倒廩賑濟

朱昌蕃泰和人康熙十三年山寇肆亂傾囊募勇士守禦

鄉人賴以安堵又鐵爐坑閩粵通衢山路崎嶇為拓平二十餘里復立茶亭置田五十畝為永久計

劉梅海泰和人有智畧吳逆之變被執不屈後脫歸募鄉勇守禦復分隊入賊圍死鬪賊遂散去後兵荒鄉民告

饑傾產買米四百石計口分給里黨賴以安全

徐泰來吉水人諸生康熙十四年捐田租五百餘石入儒學為兩齋薪水費

劉德重泰和人康熙十三年之變率鄉丁當其衝德重項被矛刺猶麾刃搶其甲首駐大瑞俘馘無算十五年龍泉寇空壁而來隨李副總為前鋒要寇馬纓岡俘馘倍大瑞之捷授百總後平永新冠副鎮嘉其勇與縣令協薦把

總鎮白羊地祀忠義祠

歐陽嶠龍泉人候選翰林院待詔乾隆一作雍正二年移建

學宮捐銀一千兩為之倡

林珍永新人今隸蓮花廳性穎異博學艱於遇會新設廳治屬

其子孔拔等獨力捐建明倫堂當道褒之

劉竟永新人今隸蓮花廳乾隆十七年捐田入學以資膏火

羅昌相龍泉人乾隆十九年捐銀助修五峰書院

蕭元環萬安人乾隆二十二年興義學首捐田糧一石五

斗五升

劉廷福字遐降蓮花廳人性孝友喜施與乾隆二十三年捐穀儲社倉廳治新設創建上諭亭學宮及琴水書

院各輸重貲捐田租十石為書院膏火子映奎乾隆三十七年復捐田租二十石入書院

郭幹弼龍泉人鄉飲賓乾隆三十二年捐田租二十九石為五峰書院膏火

馮貞祐龍泉人以子貴贈修職郎捐田租二十五石為五峰書院膏火同縣郭商文李修五監生馮懋遊吏員王元士俱各捐田租二十五石為五峰書院膏火元士

又捐田租三十石於黃土關燒茶

曾衍賁字采文龍泉人監生乾隆三十二年捐銀四百五十兩助五峰書院膏火

劉達三蓮花廳人乾隆三十七年捐琴水書院膏火田租

五十石銀一百兩三十八年又獨捐樂器

馮懋達龍泉人同縣監生郭隆郭義盛各捐銀一百兩助修五華堂

羅振惠泰和人捐銀一千六百兩修理東西廡又修祖祠建家塾創義倉均輸重貲不吝乾隆二十一年舉鄉飲

賓

鄒世德捐田租三十石監生朱紹賢捐田租二十七石鄒道澍捐田租二十六石鄒道祖鄒啟桂貢生李佐生員

彭好古監生郭鴻圖郭廷錦郭緩侶俱龍泉人各捐田租二十五石為賓興以助本學文生鄉試資斧署知縣

鮑吳條有記

以上盧志

周希量永新人明季歲荒嘗出穀三千石賑饑縣令冉高其行誼舉飲賓

蕭伯升字孟觚泰和人士璋從子性豪俠所交多名下士官會昌教諭家居時嘗割田飯獄代民完糧鄉里義之劉存煥萬安人明季兵變族屬中遺骨暴露數十具煥悉以禮殯瘞同里匡某年六十餘子孫天亡煥以己婢強納爲妾年至九十餘復抱孫焉

劉昌道永新人吳逆梗命隱居山谷里中擾攘爲墟昌道散牛種數十石招撫還業康熙四十三年歲歉復出粟賑貧民子光烈光勳皆以積善守庭訓

蕭無能泰和人順治十七年捐粟五百石煮粥賑饑康熙

四年代民完糧百餘金又捐田租贍義塾

陳子奇永豐人縣學生孝友睦婣足迹不至公庭好濟人利物修恩江石橋捐助首倡康熙三年中丞董以行堪儀世表其間

蕭美泰和人父啟晶以孝著美嘗出穀一千石建立義倉以濟鄉里復捐金助修南薰書院子琳亦以義行著

劉大縉吉水人就館廣東歸至贛之儲潭遇風覆隣舟大縉急呼救一人者予一金全十餘人囊頓空康熙間山寇竊發率鄉人宗黨築土垣禦賊境賴以安時歲饑餓孳載途大縉以義激勸隣里量出所有助賑

張文渭萬安人康熙十三年草寇竊發一兄兩弟皆離散

文渭從遠地覓歸四十三年饑出穀二百餘石勻貸里人又施粥一旬餘全活甚多

譚愈享萬安人獨力造七里陂頭三江口苦株陂等橋費數千金漂神渡船捐田垂久暮年又焚千餘金券

顏錫圭永新人每歲歉減糶嗜岐黃術廣施藥丸遠近踵門求醫者朝夕省視無難色并給盤飧安枕席無貧富皆不受報所全活以數千計卒年八十餘

胡修彝泰和人槎江爲孔道水漲無渡修彝破千金伐石建蛟騰橋康熙三十三年捐穀千餘賑饑某年山寇肆掠婦孩出多金令親屬各持往贖其他善行類此

郭標韶萬安人同堂兄孤貧標韶與以田廬解囊爲之娶

康熙四十三年捐穀賑鄉里饑所居村多苦旱割地田易羅氏私塘爲眾灌溉復開濬源流人利賴之卒年八十一

王正芳萬安人捐金數百甃梢坑石橋康熙四十三年煮粥賑饑子尙素捐穀儲社倉修義學置義塚俱不吝重賞

康崇彥泰和人康熙四十三年捐穀四百石賑荒撫恤從孤恩義並至

鍾士英龍泉人貢生康熙十二年與同縣諸生鄒邦佑共捐銀四百兩賑災

彭大瑗泰和人康熙十三年大荒出穀二百五十石周卹

鄉里又建亭設茶於本里益湖洲以濟道暵遷破塘口古塚以澤枯骨築白石塘高堤以護糧田季子斯泮亦捐重貲勳成忠節祠

朱季迪泰和人康熙十三年饑以千金助賑事聞給冠帶旌其間

匡且泰和人諸生康熙十三年山寇擄掠鄉民且捐五百金贖歸獲全者眾

劉學宣泰和人康熙四十三年饑學宣倒廩分給鄉貧又買穀四百石減價分糶煮粥賑濟復捐穀二百石儲宗祠以贖族貧後歲荒盡散之不責其償

陳紹魯安福人康熙間授徒廬陵路經蒙岡有負擔者大足墜銀欲投河紹魯出俸銀二十兩予之人賴以救雍正間圖內次漕糧械繫者不一悉出囊餘代納

劉天相永豐人為人端恪事後母孝見族屬强悍者律以禮義里不能舉火者賑之縣令給匾以旌

湯師呂廬陵人康熙四十三年捐穀三百石賑饑鄉村多負糧捐銀建急公會如限輸納路遇人嫁妻償債為之代還縣令給匾旌之

彭君甫萬安人康熙四十三年捐穀三百四十石賑饑又同族洪麟乾隆八年饑捐穀一百餘石按鄰戶口分賑劉嘉績安福人康熙四十三年饑出穀貸貧不取其息里

中橋圯輸金修之客吳城有某貸金數十不能償欲以

女酬愕然曰吾豈忍乎遂焚券歸後舉鄉飲

王日暄安福人康熙四十四年米騰貴捐銀四百兩買米普賑鄉里

劉順先安福人康熙四十六年饑悉出所有以賑焚借券數百金隣有軍拔民籍者力爲白之子稷生舉於鄉

彭剛安福人附貢生建渥坵石牛龍洲各橋費近千金康熙五十年與弟剡捐田租一百零六石爲鷺洲書院膏火剡子宏仁乾隆八年歲荒設粥於路二十年復給衣以賑貧寒三十一年縣修文廟復輸金三百造園橋

王朝宣廬陵人有父友負銀不能償出券焚之康熙五十二年捐銀三百兩買穀賑饑又捐銀二百兩建義塾以

田十六畝佐束脩資其他培孤墳掩暴骸多所仗助

彭元僖泰和人贍建萃和書院租一百石康熙五十五年鄉里大饑出穀貸借不收息六十一年又饑盡散之不責償

劉經裕萬安人有里人因欠租將鬻其養媳經裕聞而爲之代償每遇歲歉減糶捐金三百倡修上宏橋

閔萬嵩龍泉人諸生康熙五十七年修嘉定橋同蕭周生各捐銀千兩

衷崇隆萬安人康熙六十年饑捐穀按戶每日散給雍正四年捐置花山義渡

張士燿泰和人禾溪流陂灌田五千餘畝士燿捐銀修築

開復樂山後園壠淤填有賈人某負人本銀窘迫投河  
士燿救援代償復給銀爲貿易貲不責其償

龍吉昂字參偶永新人生平好善矢願修荒墳一千塚及  
半遂卒遺命其子寧薄葬務滿我願長子益襄勉力竣  
其事中雍正乙卯鄉舉

劉中鉉安福人嘗捐穀五百石設義倉於鄉夏散秋歛不  
較其息以孫建泰貽贈修職郎

劉一輪安福人縣自南抵西山路崎嶇一輪捐金三百兩  
修治三十餘里山半建茶亭撥田六畝以贍

顏錫孫安福人捐造里中銅鑼洲渡船建涼亭以便行旅  
仿義倉法輸穀百餘石備賑貸舟湖舊有古陂捐銀二

百餘兩築砌澹注糧田千畝歿之日鄉人祀於社

蕭維瑚廬陵人會立社倉首捐穀三百石鄉鄰貧困者歲  
暮量賙之死不能殯者助之舉鄉歛卒年八十八

劉昌泰和人雍正間捐穀五百石值青黃不接散給貧乏  
秋歛不取其息乾隆八年饑倍發前穀賑之十年修通  
衢石路一千二百餘丈費銀六百餘兩旁建茶亭捐銀  
二百兩置田垂久其他置義塚施棺掩骸善舉多端

康克昌字力子安福人鄉舉嘗自北歸鄉人周三汲於濟  
寧染疫呼曰力子救我遂連舟行醫藥省視至死經紀  
其喪又買倉穀以賑里閭設義田以贖族人

曾定陞龍泉人雍正間捐銀五百兩獨修石獅石橋

陳大勳字方韓吉水人雍正歲貢少孤事母謹治財產不  
 自私利昆弟無間言縣有仰山書院久圯大勳倡移文  
 與橋北康熙四十三年歲饑煮糜食人五十二年大水  
 出錢粟以濟饑者明年大寒為續衣三百以衣寒者  
 張名揚泰和人雍正間捐銀三百餘創建槎溪橋又捐二  
 百餘兩倡濬塘渠後橋圯子郁章復修之  
 戴承霖萬安人自蜀扶父櫬歸過武昌聞故友負商銀數  
 百官追嚴急即傾父財代還雍正三年饑出粟四百石  
 賑濟又勸同鄉各出所有以繼身董其事全活甚眾  
 劉存進萬安人雍正十年縣修文廟廓以己地十餘丈址  
 修同宗頽墓數十塚卒年九十三

張義賡龍泉人嘗建育嬰堂屋捐田八畝又泗廂洲義  
 塚雍正十二年捐貲買置併建屋八間田租四畝以供  
 培築之需張振義為之記

劉懷錦萬安人族有戴氏郭氏寡而無子每月助給錢穀  
 黃土灘及華江渡各捐贍田十五畝復於渡口建茶亭  
 又捐金四百修觀音橋粟八十石銀四百兩修黃坑橋  
 銀六十兩修橋頭大橋

張德恭萬安人坳嶺石角潭路通閩廣舊苦崎嶇德恭捐  
 金鑿平山石路七十三丈修平路二十餘里復建規頭  
 茶亭割田三十畝為施茶資

易聞安福人嘗自袁歸遇負債有投水罄囊與之雍正入

年修寮塘橋費一百八十餘兩子秀鍾修谷口古陂澹田萬頃寮塘圯復捐百餘金修之

曾觀安福人雍正九年設楊梅渡船乾隆十八年造下洲橋費三百金二十三年輸穀五十餘石入舟湖水次

王星衡安福人從兄貧不能娶衡出館脩爲之納室表戚荒歲債逼代償所欠復給穀以救其荒嘗館永豐有戚友寄存銀三百兩後卒召其子出原金還之却其謝

曾光錦蕭右宋俱泰和人雍正間捐田租贍普育二堂

蕭羅忠泰和人道邇子雍正元年奉文建忠孝節義祠羅忠捐腴田五十畝入祠膳祭知縣劉崇爲記

李國嘉萬安人會工人自外拾銀錠金錫歸謂獲於藥渣

中國嘉云此必製藥而誤棄者以錢易之命其子持至

拾處適族人妻因夫毆將投水問故果如其言還之族

人昌銘少孤貧負債將鬻其童養室國嘉爲償所負卽

治酒爲昌銘合昏族人士美死其妻念事畜無貲屢投

纒國嘉邀父老往慰力任衣食給一婢供使遂得全節

又夜聞有人卧路亭飢餓瀕死趨眴視解裘以護始甦

遂扶歸問爲閩人贈貲歸之雍正間舉鄉飲

吳士琦永新人性樂施獨建祖廟廣修橋梁歲歉捐穀千

餘斛賑饑太史帥念祖贈以詩

賀育瑚永新人雍正初年連歲大歉糶粟減糶所糶金卽

以修祠設渡督學沈翼機有引年以德之旌

彭銘新安福人樂善好施族有苦逋者欲出其妻爲解囊代納遇鄉隣爭鬪極力排解捐貲不靳卒年九十一

彭立億萬安人乾隆三年饑捐金三百購穀散賑鄉里

彭東林廬陵人乾隆五年捐銀四百兩建義塾十八年歲饑出穀五百石賑鄉隣里人某貸銀三百兩貿易遭風破舟不能償輒還其券

康集龍泰和人縣學生捐穀四百石立義倉於秀水碧山兩村賑族貧乏乾隆六年復輸穀四百石於縣治社倉知縣劉崇詳請勒石

張殿珍泰和人乾隆七年捐穀二百五十石入本族義倉三十年荒出穀助賑煮粥以食貧人是年冬復捐入義

倉穀二百石二十五年修學宮十九年修萃和書院二十三年建吉星橋均費巨金

李用才泰和人文廟及鄉賢祠久圯輸銀倡修復捐穀儲官廩以備荒歉破塘口一帶河岸崩頽臨河荒塚數百買地移骸骨壘成義塚同縣梁欽共勸厥成復爲之傳顏雲龍蓮花廳人乾隆七年捐銀倡修鐵柱橋八年饑出米賑濟鄉鄰二十七年捐銀修建石橋

蕭思鳳泰和人官德清主簿乾隆七年捐穀千餘石兄瑞麟諸生亦捐數百石建玉山社倉備賑八年饑思鳳弟雲龍捐粟六百餘石設粥賑救

朱光輝泰和人同族人夢龍宏衍光廷嗣魁倡建義倉儲

穀一千七百餘石乾隆七年縣詳改歸社倉

劉篁音泰和人乾隆八年饑賣產賑米二百五十石計口

給散又有捐建祠宇修橋路諸義舉

賀廷安永新人乾隆八年歲歉捐賑社穀七百石

曾燕弼龍泉人乾隆八年捐銀買米賑粥十六年又捐米

設厥真君閣賑饑名列採風亭

劉祖榮字聖澤龍泉人諸生乾隆八年捐銀買米賑粥十

六年又捐銀買穀減糶施米名列採風亭舉鄉飲賓

蕭貞啟泰和人乾隆八年饑捐米散給族鄰復捐修石橋

三座又龍嘉倭謝天衛同時出穀賑濟

劉興寬安福人幼失恃舅氏老無子迎養十餘年里因

貧將出窳墟者為代償夙逋全其節乾隆八年歲祲出

穀賑活鄉隣甚眾

蔣立紀泰和人修新岡石橋及達郡石路數百丈乾隆八

年饑捐穀濟貧

馬家祉永新人乾隆八年縣饑捐穀千斛賑之

彭璣泰和人性好義嘗焚券千金不能葬者助之又捐置

義田以濟貧

甘克義泰和人乾隆八年饑捐米每日計口分給復捐銀

修上下溪橋

劉飛鵬泰和人捐銀修黃漕隴石路復捐銀五十兩租三

十石為建亭施茶之費乾隆八年饑捐米設粥賑荒

劉弼泰和人精岐黃業廣施藥劑乾隆八年饑施粥賑貧  
又捐修青雲橋出貲解族人訟田僑寓廣東值瘟疫買  
棺安殮以百十計年八十餘終

王玳穀安福人乾隆八年饑捐穀四百五十石以賑十年  
輸銀修本里東蔭橋

周嗣旦安福人家富喜施凡貸人錢穀不責償乾隆八年  
饑發穀借給鄉里秋成蠲利存本於眾以備荒歉又立  
義塾延師課族子弟鄉有兩橋圯輸銀倡修道拾遺金  
待失者還之鄉里咸稱善人

王仍業安福人乾隆八年大禔同弟果泉捐穀千餘石助  
賑復買米遍給鄉里徐潭菴前橋頽捐貲易石

黃元善萬安人乾隆八年捐社倉穀是歲歉出穀五百石  
減糶復捐金修老塘前義塚置馬子坳渡亭

劉世烺萬安人縣學生有同姓某欠鄰家穀百餘石因索  
債急欲自刎世烺止之與鄰家商代償本還其券

劉光軸萬安人乾隆八年饑出銀分給貧民里人某嘗代  
人納糧負欠其妻將以子鬻為僧光軸止之悉為代納  
并給貲令貿易不計償又嘗捐田贍百嘉村渡

戴內賁萬安人乾隆八年捐金賑饑復修居前石橋

蕭惟兼萬安人乾隆八年饑捐穀賑濟並代納里人欠錢  
漕三百餘金卒年八十二

譚倬萬安人善楷隸書乾隆八年饑出穀數百賑里中

燕文佐萬安人乾隆八年饑傾所有穀煮粥賑之遠者散米十六年饑賑濟亦如之

劉先懋萬安人乾隆八年春夏間穀貴出數百石散給各戶秋償不收息十三年里中疫備藥全活近百人

劉光泮永新人伯父帶生子遠適光泮訪歸與同爨爲之娶甫生子又孤復爲撫養築室置產乾隆八年荒出穀以賑二十九年荒亦如之里有舉家患疫者室無人至光泮常入視死者買棺瘞之延醫療其生者

蕭希爵安福人精岐黃術製丸藥以濟人嘗過新喻遇病人於途賃屋醫治後病者攜金來謝堅辭勿受乾隆八年饑盡囊以恤鄉里縣令程匾旌之

劉國輔廬陵人乾隆九年修北門橋二十九年修縣學里人負債議嫁妻國輔爲代償得全

劉應龍廬陵人性好善一日過渡拾二百金待其人還之族有兄弟爭田應龍出金請釋感愧泣謝和好如初  
羅廷桂泰和人學宮露臺久廢獨力捐修掩骼尤費鉅金  
康珠泰和人捐千金修理學宮其他贈藥施茶建橋焚券類如此

劉士英安福人建本里車江橋又置義田三十餘石備荒  
胡守信安福人所居隣河獨力捐千金修大小石梁六座  
羅朝幹安福人捐買香爐山地爲義塚修嘉溪石橋及水  
南龍洲兩橋又置義田建義渡立茶亭不吝多金

康應麟安福人歲貢生叔父舉人邦昌艱嗣為治宅居其  
 妾遂連舉二子又佐叔父舉人克昌倡修學宮買穀百  
 餘石入義倉建義渡於漁江出銀捐田為修葺贍渡之  
 費乾隆十年舉飲賓年八十終子受遇受善竝舉於鄉  
 王廷梅廬陵人乾隆十二年助修府縣學二十二年饑捐  
 穀三百石賑鄉鄰施棺木無算遇人負債嫁妻代償全  
 之

劉上宋廬陵人捐育嬰堂店房三所歲收租息贍之捐銀  
 倡建掩骼會至施祭衣濟孤貧助囚糧歲以為常公舉  
 飲賓

趙燕字孔儀安福人乾隆十三年武進士任駐京塘務衛

義好施喜賓客京城吉安二忠祠就圯獨捐費倡復之  
 任滿需次假遊江南經鳳徐間值大疫見死亡暴露捐  
 貲掩葬至百餘塚每葬必親臨其穴年甫及壯卒於京  
 妻彭氏年二十八撫孤有節操

吉州人  
文紀畧

尹明治永新人乾隆十四年捐修城東長春橋割牙獅嶺  
 田租十石贍之二十八年修學宮及沂水橋

胡昌贊萬安人從兄某五十無子送婢為妾又捐修頽塚  
 百數十所歲歉出穀賑濟冬施棉衣乾隆十五年平園  
 有大橋圯捐金三百修復之

李躍如龍泉人乾隆十五年捐銀千兩修太平橋及南岡  
 嶺石路

劉望芹泰和人乾隆十五年捐修府學又助修迎仙橋贍  
渡同族劉克學亦捐金修縣學同縣陳慶沐倡修迎仙  
橋見知縣劉崇碑記

胡乾字彝偶龍泉人性渾樸耿介勇於赴義縣有大創建  
傾囊勸事乾隆十年饑出粟賑粥又設渡修橋甃路掩  
骼諸善舉皆力行之壯年喪偶不續娶乾隆十四年舉  
義夫知縣陳履祥爲之傳

陳大文蓮花廳人捐修長岡路亭貫山嶺路四百丈乾隆  
十六年獨立義倉捐穀二百五十石二十三年捐穀入  
社倉

謝廷陞龍泉人乾隆十六年買米減糶按日以施

曾轍泰和人乾隆十六年賑粥月餘二十二年製散棉絮  
三十年穀貴捐四百石周濟族貧凡橋梁道路諸義舉  
皆樂爲之

王廷柱廬陵人乾隆十七年歲饑捐穀二百石助賑二十  
二年捐社穀百石復私捐百石儲本境砌修固江鎮侯  
田壠路瀘下渡久廢造舟以濟捐銀百兩又捐租十二  
石爲善後計商於浙有同寓密寄銀六百兩訂期來取  
三年無音耗廷獨攜原銀訪其家還之

賴正心萬安人乾隆十七年荒出穀百餘石按族戶口分  
借秋成不收息又代貧家輸賦捐修山下石橋

王錫吉水人遇穀貴減價糶親戚半之乾隆三十年歲歉

煮粥賑饑有貸者秋還本不收息父嘗斃青石橋後爲水圯復以千金修之

梁莊字韋來龍泉人貢生夙教任恤捐產三百石爲義田捐竹木山價值數千爲義館以贍族人之貧而廢學者又獨修河岸石堤爲村居保障親隣以乏告者悉力資之又捐銀二百餘助修五峰書院

李允誠永新人乾隆十八年饑捐穀三百八十石每青黃不接出穀以濟貧乏秋還不計息又捐修陽橋建茶亭割田租二畝爲資

嚴性一泰和人乾隆十八年荒捐米二百餘石以賑

王文洽泰和人縣三派江渡爲達府通衢乾隆十九年造

舟以濟竝置田贍渡建亭設茶又自江口至廬陵界修石路十餘里三十年饑出積穀散賑鄉貧至修文廟建吉星橋皆解囊以助

郭奇龍泉人乾隆十九年捐社穀四百三十石又捐銀修五峰書院及南澳靈陂

郭夢樞萬安人附貢生同里寡婦張氏止一子將鬻以償夙逋夢樞代償之復給資令織絀以供衣食乾隆十八年荒同里多逋賦自貸二百餘金悉爲代納

賀巧呆永新人乾隆八年饑出穀百餘石以給鄉里秋成不收息後常行之又修古塚數千砌楓江橋開灌澹塘均費多金

尹光鼎永新人乾隆八年饑捐賑修東關浮橋捐田以膳捐銀百兩修鷺洲志知府王銘琮匾給青年碩德

劉德勳蓮花廳人貢生乾隆二十年荒出穀二千石貸族人秋成不計償三十年荒賑米十日計三千人人給米一升粥一盃計米四百石同知張給匾以獎

蔣俊仕泰和人乾隆二十一年米昂捐四百石散給貧乏縣修文廟建義學不吝重資又修路贍渡次第舉行

李靖安龍泉人捐銀四百兩修高橋平橋大路

蔣定謙泰和人乾隆二十二年早禾江建石橋捐銀五百兩首任其事後圯復捐三百兩重修二十五年助銀二百兩倡修文廟又捐義穀贍渡建亭

劉廣居泰和人舉飲賓早禾渡有吉星橋乾隆二十三年偕弟姪等共輸五百金倡建後水漲衝塌獨輸銀千餘兩修復他如捐米設粥放無利穀平砌道路煮茶濟渴行之終身不倦守令皆旌獎之

胡鼎泰和人貢生乾隆二十三年輸穀四百餘石建倉備賑又修學修橋築堤堰興水利建義倉立家塾捐金動以數百計

胡株泰和人乾隆二十三年捐銀五百餘兩修吉星橋又修本里藕溪鎮龍菴等石橋及田心石路所費俱數百兩

蕭崇德萬安人修文廟建書院置社倉皆捐百金為倡復

職其勞後舉鄉飲

彭錫降蓮花廳人乾隆三十年歲荒出米散賑二十四年

建琴水書院捐銀租以助膏火

溫周廷萬安人乾隆間捐穀宗祠做社倉法以濟鄉族

蕭秀三泰和人乾隆二十五年捐米賑旱又助修橋路

蕭持升泰和人捐穀四百石歲查族中貧戶計給秋熟收

儲乾隆三十年大饑卽以分濟又焚券千餘鄉里德之

劉昭諒萬安人乾隆二十六年倡修本里上宏石橋

蕭廷榜泰和人乾隆二十七年捐銀擴學宮大成坊基三

十年發米賑貧捐租一百五十石倡修義學

謝月澣永寧人乾隆二十八年捐社倉穀四百石

曾泰燕泰和人嘗客衡陽歲饑捐百金助賑里人有嫁妻

償債者妻將就溺泰燕贈銀五十兩得保全又立義倉

置義學家塾縣修學宮建萃和書院皆輸重貲知府王

銘琮匾給士林熏德御史胡定贈以序

王維綸萬安人每歲減價以糶乾隆二十九年穀貴減其

半歲寒置棉襖里有陂圳久涸捐金倡修又增置楓林

渡船立茶亭費數百金仍置田垂久

彭歐卜萬安人捐穀五百石構倉本里收放不取息乾隆

二十九年饑減價糶復買穀散給隣里三十四年米貴

捐四百餘金買穀賑濟長橋站前有大橋通閩粵久圯

捐金一千二百兩修理後圯其子亮亭易產復修之

周嗣惠安福人乾隆二十九年歲歉發粟散給族隣從昆弟有逋賦爲之代償

戴銓安福人乾隆三十年歲荒盡家所儲設粥賑濟祖祠傾圮捐銀獨修舉飲賓

尹廷熊永新人歲禮出穀賑鄉里乾隆三十年傾廩不敷購米濟之助修學宮倡修禾山書院子懷德亦捐田以資膏火

羅貴泰和人乾隆三十年夏穀昂捐米三百餘石以賑修祖祠贍義學皆不吝多金精堪輿著有地理正宗二卷蕭鳴安福人捐田租五十畝建義倉以贍族黨乾隆三十年罄囊買穀賑恤鄉里

鍾尙文泰和人乾隆三十年歲荒買米以賑修白羊山下路八百餘丈悉甃以石後修早禾市僊溪各橋均捐多金

彭如鈴龍泉人乾隆三十年捐銀重修北澳陂又彭暉斗捐穀數百石賑饑

王登俊龍泉人乾隆三十一年倡復東坑廣濟橋三十二年捐田租二十六石爲義學膏火捐三十石爲黃土關設茶濟渴二十四年捐田租三十六石爲孤貧棉衣費

李鐸永新人乾隆三十一年出穀數百石賑鄉里嘗捐銀五百兩建家塾以教鄉族子弟又建祠宇置祭產皆不惜重貲

謝昌言字大千龍泉人崇義訓導乾隆三十二年捐田租五十石為五峰書院膏火嘉慶八年捐銀三百餘兩買米賑粥十六年又買穀減糶名列采風亭

彭芳忠泰和人捐銀築砌黃龍潭墾口境內資以灌溉縣文廟樵樓府鐘樓鄉文會以次勸舉乾隆三十三年上猶縣饑越省買穀五百石以助賑濟

李含章永新人獨營萬泉橋修通衢二千餘丈境內古墓千餘墳

汪映霞永新人捐銀修真君廟橋又修境內古墓千餘塚長坑路十里

顏雲紳蓮花廳人乾隆三十七年捐修十四都石橋又獨

捐修堤岸以保大陽洲古塚同知李給匾以獎以二盧志原列

善行今併入

賀坤耦安福人年二十五喪妻生一子甫三歲體羸有勸

其再娶者坤耦作凜義箴以見志卒年六十有六盧志原列

孝友今移列

彭安邦蔣曷立胡承昇周永祿陳玉蹊郭文雄康維進高

志祿蔣晟立羅景旭王德湯朱紫貴彭幹儒劉建萃蔣

摺蕭闡章陳善章俱泰和人陳思宗胡以忠俱永豐人

歐陽仁也梁基俱龍泉人劉中躍安福人劉源際蕭尙

容俱萬安人劉志廓巴啟昌陳光瑞文濟昌劉文潭曾

貞嶷龍鉞劉眷爾曾班李士標劉璞生巴光秀周世守

劉之葉陳表言劉匡國劉簡劉世鍛賀建樞江竣寶左  
景清顏子快劉生節金殿宰文裴光曾之命樊鵬棲賀  
夢夔賀夢臯劉斯越曾攀桂俱永新人皆好善樂施

以上五十五人盧志原附列善行今併入

孫明字啟東泰和人少失怙事母孝賈湖南常德府母歿  
哀慕終其身嘗築鷺洲堤捐澄江書院膏火增貢院號  
舍置縣士試館於省垣為宗族償逋賦立義莊義屋建  
府試院計義舉不下數十萬金性樸傲自奉儉咸豐三  
年夏粵寇圍省城以二萬金餉軍生平見義樂為不署  
名不邀獎人問之則曰承母遺訓故兩湖江省間皆知  
有孫孝子咸豐元年舉孝廉方正子涉有父風旌義士

五年及十一年吉安重經寇變燬試院子煥衡孫鳴謙  
以巨金兩次修建

劉景雲字輝南泰和人嘗率其弟慶雲創建澄江書院寇  
燬又庀材圖修未興工而寇又燬建快閣文廟考棚等  
舉捐助軍鑲統費數萬金 詔旌其閭

康旋吉泰和人與弟迪吉修建文廟工甫竣寇燬踰年復  
修計費二萬餘金他義舉皆樂為之同治四年旌  
高尚志永新人性慷慨以利濟為事修橋置渡諸義舉費  
數千金子謙吉承遺訓修文廟葺浮橋捐金助采山書  
院膏火

宋芳沛永豐人嘗建宗祠與義倉修滁溪橋螺獅庵均費

千金孫媳蕭氏孀居明大義以承祖父志勉其孤捐田五百石粟二百石為族中贍學道光間捐助海疆軍餉萬金建縣義倉及求志書院捐二千金建縣試館於省垣費萬金為貧民代輸運賦二十金修城垣河堤及庵橋等款皆輸重金事聞 朝廷旌之

彭大協字熒廷廬陵人弟大忻字莫齋大怡字清和兄弟以貨殖起家事親備極色養樂施予賑饑修橋除道建義倉義學祠宇掩骼建亭設渡費數萬金其著者建府文廟雙忠祠昭忠祠雙忠書院費二萬餘金又捐萬金請廣廬陵學額於京城梁家園捐施粥廠倡捐京會館鄉賓興官軍勦賊輸餉二萬餘舉報通縣節孝費數千

金凡有益於人者皆為之統計所費不下數十餘萬大約歲費數千金以為常至老兄弟怡怡儉以自奉厚以待人遺命子若姪力行利濟事復以萬餘金廣石陽書院並立公帑行義舉同治十二年江西巡撫劉以兄弟好義入告 詔旌其閭

邱曰韶廬陵人捐鷺洲石陽兩書院膏火及興義倉義學各義舉費五六千金旌義士

劉為悅廬陵人建祠興學賑饑助軍餉諸義舉近萬金旌義士

周茂五廬陵人修高塘墟河堤費萬餘金修譜建祠興義倉義學捐助軍餉又近萬金旌義士

匡克繩廬陵人行利濟事所費近萬金旌義士

蕭魁斌廬陵人修文山祠各義舉費萬餘金旌義士又命

其孫炳章重建石陽書院費亦逾萬金

歐陽國寶廬陵人建縣學省修貢院府修學宮各義舉費

近數萬金又命其孫慎以二萬餘金重建白鷺洲書院

慎弟二杰榮從弟二衡衢子一篤杰榮篤別有傳國寶

子徽班俱旌義士

張履信龍泉人寧都州訓導道光十年修建文廟費萬餘

金咸豐間寇燬倡捐修復又捐派修貢院費道光中在

杜邁倫廬陵人興義學修橋梁及各義舉費數千金旌義

士子志禹承遺命力行善事有孝行

謝應暉鄉舉永寧人咸豐六年粵寇陷永寧應暉勸捐募

勇官軍復縣城著勞績薦擢知縣卒於家

劉紹書永豐人咸豐間寇燬文廟獨力建復又倡建義首

書院石馬市義倉襄軍輸修城垣及平政等橋葺養濟

院諸公舉共費三萬金有奇

黃釗廬陵人以居積起家賑饑立義塾義倉施藥掩骼費

數千金又命其子詠霓建文山書院於螺山并捐學者

膏資費逾二萬金同治十二年旌義行

周陽紹安福人道光間兩次修石橋費銀數千兩嚮田為

兄弟償所逋并捐資全人夫婦他若學宮賓興采芹識

仁講院祠宇祭田諸義舉又費數千金同治十年旌

彭德音安福人捐田以擴祠基倡修文廟重新興文書院  
設采芹會及府縣書院京府試館修橋建亭費數千金  
餘義舉多類此同治十年旌

王之楫安福人道光七年助賑水災修鳳林石橋府試館  
興文會濟饑施材諸義舉不下萬金同治十年旌

郁為錦安福人咸豐間捐重貲辦團繕城修復縣文廟衙  
署建府城試館興采芹會送鄉闈卷貲修鳳林橋以及

減糶施粥各義行費數千金同治十年旌以上新增

龍大猷王兆祥劉碧羅恪蕭詩存王崇坤程仿禧萬星泰

劉毓秀蕭秉鐸俱廬陵人彭葵安福人陳定成陳曰秀彭大培

俱吉水人劉積伋泰和人以上俱陳仁濬吉水人嘉慶二  
十五年旌義夫

朱昌灌萬安人嘉慶十年李憲昌李銑彭學

鑑李成柱劉定明俱吉水人以上均嘉慶十年

泰和人嘉慶中葉子森龍泉人嘉慶中義鍾奕溱永豐

義行載入會典嘉慶中彭鼎鳳龍泉人嘉慶

二年旌義士李逢昇邱中隆歐陽麟祖盧嘉詣盧士昭段培起胡

泰選李瑛俱廬陵人以上均王思盛修縣學王德孚

修府學文廟俱廬陵蕭見田郭誥李承恩王丕猷孫發

秀羅芳陳長契羅志信蕭則敷李欽劉濤望俱泰和人毛文

魁毛佩璜周作陶俱吉水人以上均周垣先吉水人

人徐泳川永豐人附貢生義行陳錦祥鄒騰芳程飛濤

均旌義士李維璵張映彩王雲龍俱永豐人胡言揚龍泉歐

陽玉瓚歐陽兆王翰音俱安人邱天將吉水人以上俱道光年間  
旌義 嚴儼萬安人朱雄蓮蓮花廳人均道光中旌義行 嚴文盛黃貞

魁曾崑周治世周漢寅俱泰和人曾繼南廬陵人伍德洪安福人  
龍中振永新人謝仁葵永寧人以上均旌義士 賀嘉馨永新人陳

篤周廖瑋璇俱萬安人以王如瀚州同羅協中布  
問吳璧州同知俱永豐人同治八年各捐錢

耆壽 五世同堂附至治之世 人應瑞徵自高年覃恩  
歲者賜冠帶我朝錫恩優老郡民被旌者尤多  
盧志錄邀慶典若干人茲採廳縣志已旌者續後

宋羅原用安福人宋初以耆年徵授知蘇州 案羅原用  
善係明初徵授安福志 高純興安福人壽百二十歲神

張世寶泰和人百歲以上 譚泳白堅鍾圭嚴皞曾執權  
俱泰和人九十以上遇 慶典授廸功郎致仕

元劉士表永豐人年百有歲 郭德茂永豐人年百有歲  
永豐人年百有一歲 泰定 間旌上二名據縣新志補

明阮應益字環源廬陵人年 王兩洲安福人年九十四兩  
弟魯卿副使年八十四舉 劉南陽安福人年九十五於

鄉飲大賓兩洲猶臨宴馬 劉南陽安福人年七十時生一子名古  
稀入十時又生一子名太公以通賦二子并免徭役 歐陽

以忠泰和人年百有歲 妻韋氏年九十七朝廷遣 劉  
敬源安福人年九十九 縣 劉慶奎安福人年 蕭允高泰和

人養高弟壽百五歲 郭原禮龍泉人壽百歲 康體正安福  
天順元年賜冠帶 正年百有 胡允濟字利菴泰和人成

人父古廉百歲體正年百有 世壽 胡允濟字利菴泰和人成  
四歲成化間旌表一門世壽 胡允濟字利菴泰和人成

飲賓年九十八七曾繼裕泰和人年七十有七吳壽泉安福人壽百歲以孫

年賜建百歲坊謝連連字避諱缺偏旁永安人年吳温安福人壽百歲

林學士贈翰謝連百五歲正德間建坊賜冠帶吳温安福人壽百歲

靖間以耆年王朝永豐人年百吳汝迪廬陵人年百歲

名據縣王參謬廬陵人年百歲嘉靖劉日隆萬安人年百歲

冠會遠榮萬安人年百歲劉德崇永豐人年百歲

間旌據縣劉復明安福人年百歲歐陽崇妻蔣氏夫婦俱百

新志補龍瑰字在璿廬陵人年百歲彭日新安福人官經

光祚永豐人壽陳德澗永安人天啟元年賜周士度安

人壽躋百歲旌其門曰聖朝劉仕鼎泰和人年百歲康必達

泰和人年百歲馬羽日永新人年張一方泰和人以耆羅崇

俊周用廣蕭古泉蕭德明俱泰和人羅仲寬羅貞將自

統歐陽崇華蕭存華蕭慶善俱泰和人年近百歲周侃安福人年百歲據縣

新志

國朝歐陽自操安福人年九十王之驥安福人年九十九

謝誥永寧人年百歲賢區王允昌永豐人年百歲

凡安福人年九十八入縣令梁贈以眼李可益永豐人年

温華嶽萬安人年劉倫重安福人年朱春安福人年

四書要解五經易衷泗賢萬安人壽百歲康紹先安福人

年授冠帶陳志純蓮花廳人温道善萬安人壽百歲李

清海蓮花廳人壽屆彭麟官安福人附貢舉鄉蕭既孟

泰和人年百歲聶虞臣康崇棟劉有華胡相卿劉有爵匡邦

誼俱泰和人年百歲韋樂天楊永吉王培撰蕭鼎稜俱泰和人

歲以胡遇軒 永新八人年 王文達 廬陵人五 古朝爵 龍泉  
上廬志 御賜七律詩一章 劉西侯 永新人年一百歲 姚上迪 安福人五 劉

建績 泰和人七 羅懷奇 泰和人五 姚上迪 世同堂 劉  
啟和 永新人年 徐文治 永豐人 縣學 王梅魁 永豐人五 劉

史富接 永豐人五 劉士珩 廬陵人五 黃奉瑞 廬陵人年 劉德  
建廬陵人五 劉士珩 廬陵人五 羅行健 泰和人五 鄧捷

元 泰和人五 戴守訓 泰和人五 劉盡善 王大任 李玉斗  
顏槐 鄒玉華 俱五世同 戴朝肺 陳文焜 陳元峻 盛世英

子郭忠仁 俱一百歲 史高發 一百歲 左文壽 一百十歲 劉  
繼仁 郭太和 俱五世同 吳國賓 萬安人五 宋懷西 徐郁

文王珞 梅魁子 俱五世同 劉清達 永豐人七 廖聲振 永豐  
人年一 謝志元 永寧人年一百一歲 黃相信 泰和人一

劉德揚 年一 田鍾幹 五世同堂 吳才力 永豐人年一百  
豐間先 李玟 泰和人五 賀正綱 劉培 芩龍 振箕 俱一

毓材 賀芳煜 俱一 金日暉 五世 譚世縉 縣學生五世  
人 羅元禧 夫婦 年百有 葉啟仁 年百有 劉德懋 堂俱萬

安人 以上 周秉乾 胡廷枋 俱五世 陳萃 峩 六世 郭良  
均同治 間旌 吳允明 俱廬陵人 尹昌期 舉人 泰和

相郭立峰 俱年百有 鄧錫章 陳登俊 俱年百有 陳諮 同堂 李縉 九  
二 彭璵 年百有 羅合 曾紹統 俱五世 賀若霽

歲 黃日銘 俱安福人 羅合 曾紹統 俱五世 賀若霽  
年百歲 俱 何安朝 年百有 劉朝錡 年百歲 五 劉亮 同堂

永新人 俱 王繼德 楊瑟 符國華 吳賢 佐何夢枚  
許定超 七世同堂 王繼德 楊瑟 符國華 吳賢 佐何夢枚

黃明德王儀芝俱五世同堂



張超然七世同堂 吳良弼七世同居 俱永豐人

陳萃峩廬陵人 六世同堂 以上新增

補錄 義夫

周逢年 龔行泰

劉英賢以上俱廬陵人 同治間旌



吉安府士

